



BIBLIOTHECA
UNIV. JAGELL.
CRACOVENSIS

905724-
-905725

Mag. St. Dr.


II




905724-


-905725 II

Mag. St. Dr.





258



OFFICIA PROPRIA
PATRONORUM
REGNI POLONIÆ.

P E R

R. STANISLAVM SOKOŁOVIVM
Serenissimi olim STEPHANI Poloniæ Regis The-
ologum, Canonicum Cracoviensem ex man-
dato Synodi Petricoviensis.

C O N S C R I P T A.

Auctoritate Illustrissimi Cardinalis
GEORGII RADZIVILI
Episcopi Cracoviensis,

E D I T A.

Iuxta ritum

*Breviarij Monastici pro omnibus sub
Regula S. P. BENEDICTI militantibus*

A C C O M M O D A T A.



CRACOVIAE Typis IACOBI MATYASKIEWICZ S. R. M.
Typographi. Anno Domini 1721.

KALENDARIVM PATRONORVM REGNI POLONIÆ.

FEBRVARI.

6. **D**orotheæ, Virginis & Martyris *duplex.*

MARTII.

1. **A**lbini Confessoris & Pontificis *duplex in diœcesi Gnesnensi cum comm. Feriæ, si occurrat in Quadrage.*
 5. Translatio S. Venceslæi mart. *duplex cum comm. Feriæ.*
 10. Cyrilli & Methodij Pont. & Conf. *semidupl. in diœcesi Gnesnensi fuit heri.*
 17. Gertrudis Virginis *semidupl. in diœcesi Gnesnensi.*

APRILIS.

23. **A**dalberti Episcopi & martyris *duplex.*

M A I I.

2. **A**thanasij Episc. & Conf. *duplex cum commem. S. Sigismundi Regis & mart. & 12. lectione.*
 4. Floriani militis & martyris. *duplex.*
 8. Stanislai Episcopi & martyr. *duplex.*

I V L I I.

13. **M**argaritæ Virginis & martyris *duplex.*
 15. Divisionis Apostolorum. *duplex.*
 16. Andréæ & Benedicti Polonorum martyrum. *duplex.*

AUGVSTI.

- H**Yacinthi Confessoris. *duplex cum commemoratione Octavæ Assumptionis B. M. V. Dominica proxima post festum Assumptionis B. M. V.*
 Translatio S. Casimiri Confessoris. *duplex.* Dominica prima post Octavam Assumpt. B. M. V.

SEPTEMBRIS.

27. **T**ranslatio S. Stanislai. *duplex.*
 28. Venceslæi martyris. *duplex.*

OCTOBRIS.

10. **O**fficium Gratiarum actionis pro Victoria ex Turcis obrenta.
 15. Hedwigis viduæ. *duplex.*
 20. Translatio S. Adalberti. *duplex.*
 21. Ursulæ & sociarum eius mart. *duplex.*

NOVEMBRIS.

12. **B**enedicti, Ioannis, Matthæi, Isaacii atque Christini fratrum martyrum. *duplex.*
 19. Elisabeth viduæ. *duplex cum comm. S. Pōnani Papæ & mart. & 12. lectione.*
 Stanislai Kostka Confess. *duplex.* Dominica proxima post xxiii. Novēb.

DECEMBRIS.

4. **B**arbaræ Virginis & martyris. *duplex.*

OFFI-



905725

II

OFFICIA PROPRIA PATRONORVM REGNI POLONIÆ.

DIE VI. FEBRVARII.

Sanctæ Dorotheæ Virginis & Martyris. Duplex.

ORATIO.

Indulgentiam nobis, quæsumus Domine, B. Dorothea Virgo & Martyr imploret: quæ tibi grata semper extitit & merito castitatis, & tuæ professione virtutis. Per Dominum nostrum.

In primo Nocturno Lectiones de scriptura occurrente.

In secundo Nocturno,

LECTIO V.

Dorothea Virgo, in Cæsariæ Cappadociæ propter Christi confessionem ab Apricio illius Provinciæ Præfecto comprehensa, Crispi & Callisti sororibus, quæ à fide defecerant, tradita est, ut eam à proposito removerent. Sed ipsa eas reduxit ad fidem, propter quam in cuppam missæ & incensæ sunt; Dorotheam verò iussit Præses in catasta levare, quæ dixit ad illum; nunquam in tota vita mea sic lætata sum, sicut hodiè, tum ad eius latera lampades ardentes apponi, deinde faciem diutissime cædi, tandem caput gladio percuti imperat. R. Propter veritatem.

LECTIO VI.

Ea porro cum deduceretur ad supplicium dicente, grâtiâs tibi amator animarum, qui me ad paradysum tuum vocasti, Theophilus quidam Præsidis advocatus irridens. Eia tu inquit Sponsa Christi, mitte mihi de paradiso Spôsui cui mala, aut rosas; & Dorothea respondit: planè ira faciam. R. Dilexisti.

LECTIO VII.

Cum ante istum breviter precari permessa esset; pulchra spècie puer ante eam apparuit, ferens in orario tria mala, & tres rosas. cui illa ait, obsecro te, ut feras ea Theophilo: Et mox gladio percussa perrexit ad Christum. R. Afferentur Regi.

LECTIO VIII.

Igitur Theophilus irridens promissionem sanctæ Dorotheæ sodalibus narraret, ecce puer ante eum cum orario, in quo ferens tria mala magnifica, & tres rosas elegantissimas; dixit ei: En sicut petenti promisit virgo sacratissima Dorothea, transmisit hæc tibi, de paradiso sponsi sui. Tum Theophilus stupens, quod esset Februarius, & gelu cuncta rigèrent, ea accèpit, atque acclamavit. Verè Deus Christus est: sicque palam fidem Christi professus, gravissimum quoque pro ea martyrium strenuè pertulit. R. Prudentes virgines.

In tertio Nocturno Homilia in Evangelium. Simile est regnum coelorum thesauro. ut in comuni nec virginis nec martyris.

DIE I. MARTII.

In Gnesnensi diœcesi S. Albini Confess. &c. & Pontif. Dupl.

ORATIO.

Votiva, quæsumus Domine, nos Beati Albini Confessoris tui atq; Pontificis natalitia restaurent, & ad omne bonum tua gratia faciant propensiores. Per Dominum nostrum.

Lectio V.

Beatus Albinus in venetica regione Galliarum, Oceano Britannico finitima, natus est. Adolefcens pietatis, & religionis amore feruens, relictis parentibus, in Cincillacense cœnobium se contulit, vitamque ibi monasticam professus est. In Abbatis sui ministerio ruri maxima tempestate aliquando deprêhensus, sub tectum cuiusdam casæ confugit: quod cum undique perflueret, ceteris qui aderant, madefactis omnibus, solum Albinum ne gutta quidem ulla pluvie attigit. R. Inveni David.

Lectio VI.

Abbatis deinde officio egrègie viginti quinque annis functus est. Cuius virtutibus permotus Andegavi populus, dum pastore interim orbatus esset, unânimi eum consensu elegit Episcopum. R. Posui adiutorium.

Lectio VII.

Quem honorem consecutus, totum se in alendis pauperibus, visitandis ægris, inopibus defendendis, redimen-

disque captivis, dedit. In quo pietatis occupatus studio, apud Seginam vicum adolescentem mortuum, Malabandum nomine, revocavit ad vitam: Maurilio Civi cæco visum restituit: aliaque multa stupenda operatus est. ut merito apud Hildebertum Regem Ostrogothorum in maximo esset pretio. R. Iste est qui ante.

Lectio VIII.

Annis viginti vel pluribus in Episcopali cura exactis, denique cum impleisset annorum octoginta ætatis numerum viribus corporis destitutus, spiritum Deo reddidit. Cuius sepulchrum postea, præsertim in translatione corporis, multis miraculis Deus illustravit, duobus cæcis visu reddito, tribus paralyticis sanitati restitutis. Vixit eodem tempore, quo Sanctus Casarius Arelatensis Episcopus, cum Ostrogothi magnam Galliarum partem obtinerent. R. Iustum deduxit.

In iij. Noct: Homilia in Evangel. Homo quidam. 12. lect. de fer.

DIE V. MARTII.

Translatio S. Venceslai martyris.

Duplex. cum commem: feriæ.

Omnia de communi unius martyris, præter hæc quæ assignantur.

ORATIO.

Deus, qui Beati Venceslai nobilitatem in meliorem mutasti dignitatem, & eum per martyrij palmam ad cælestem perduxisti gloriam: eius precibus nos, quæsumus, ab omni adversitate libera, & æternæ beatitudinis cōcedere perfrui gloria. Per Dominum.

Lecti-

In feſto S. Venceſlai Martyris.

Lectiones primi Nocturni. Fratres, debitores ſumus. de comm: plurimorum Mart.

In ſecundo Nocturno.

Leccio V.

Venceſlaus Dux & Martyr Bòemiz, patre Chriſtiano Borzi-voio, Principe Bòemiz, & Matre Drahomira gentili natus, ad educandum àvix fèminæ Sanctæ Ludimilæ a patre traditus, ab ea ſic in omni pietate & vitæ integritate inſtitutus eſt: ut primam virginitatem, eam quam ex utero matris ſux exportavit, perpètuò conſervaret: cuius cuſtodes alias ampliſſimas virtutes, charitatem, humilitatem, modeſtiam, verecundiam, & orandi perſeverantiam adiunxerat. Cui eidem àvix, tanti viri alùmque, pater eius mórìens, omnem gubernationem regni comiſiſit, cum Venceſlaus adolèſcens ad Reipublicæ régimen nondum matùrus eſſet; Mater autè impiè & crudèlìter cum iuniore filio Boeſſao viveret, ac infidèles ambo, more infidèlium dominarèntur. Offènſa ea re Drahomira, fùrere cepit, ac vitæ Ludimilæ inſidiàri. Quam ad extrèmum, ſubmiſſis duòbus ſicarijs, magis ſcèlere, quam gènere nobilibus, per ſummum ſcelus interfecit: ipſa ſumma rerum potitá eſt cum improbo filio, gravis ſuis, molèſta omnibus. Chriſtianis inimiciſſima. R. Honèſtum fecit.

Leccio VI.

Cvius iniuſtum ac potèntem dominatum, dum ampliùs Bòemi perferre non poſſunt, Pragæ Venceſlaum iam aduſtum iuvenem in Regem éligunt, illiq; habenas impèrij committunt. Quod ille plus ieiunio, orationibus, cilicio, ac

alijs pijs opèribus, rexit, quàm impèrio: illud planè óccinens, ſepties in die laudem dixi tibi ſuper iudicia iuſtitie tue. Fuit hic in eo ardor orationis, quod ſumma hième nonnunquam ex pèdibus eius ſanguis effluxerit: ac ex veſtigijs ipſius aliqui incaluerint. R. Deſiderium.

Leccio VII.

Aggrèſſus hunc, regnumq; eius erat Dux Curimèſis Radislaus: cumq; multa fruſtra tentàſſet, ad extrèmum, ipſum ad ſingulare certàmen provocàvit. Suſcèpit magno animo conditionem magnus Princeps, vita ſua ſuòrum ſalutem repræſentàre volens: verum Deus ipſe crudèlis pugne dirèptor fuit. Dum enim vir ſanctus prælium ingreſſùrus equum conſcèndit, adverſarius eius animadvertit illi ab Angelo haſtam pòrrigi, ſe verò ea voce monèri: Ne feri. Quare pertèrritus, ex equo deſiliit, ad pedes Sancti véniam petens proceidit: quem ad parcèndum, quam ad ulciſcèndum paratiòrem invenit. R. Stola iucunditatis.

Leccio VIII.

Invidit & genti & Principi eam felicitatem generis humani hoſtis: impiam matrem, alteram Attaliam in fùrias vertit. Hæc filium ſuum, fratris Venceſlai malè germànium ſtimulat, de regno cògitet, fratrem de medio tollat. Suſcipit malum ſemen improbus ager: in cèdem fratris totus effunditur: quem ad funèſtū conviviū vocat. Non recùſat iuſtus Abel nec inſcius nec invitus: Sacramèntis ſe præmunit. Poſt fratèrnam & hoſpitalem natàlis filij menſam próxima nocte ante templum orans cæditur: fit Deo gratiſſima hoſtia. Nec diu tamen exultavit ſcelus in victòria:

nam & matrem non ita multum post in arce Pragensi terra absorpsit vivam. & filius non diu gessit Principatum fratris sui sanguine comparatum. Alij per dæmones exagitati, umbram suam timentes, sese precipites in flumen dederunt, submersiq; sunt. Sanguis quidem iusti Abel, qui hora passionis multus fuit effusus, ad Deum sanctè clamans, multis & iteratis conatibus non potuit aboleri. R. Posuisti Domine.

In tertio Nocturno, Homilia in Evangelium. Si quis vult post me venire. de comm. unius martyris.

DIE X. MARTII.

In diœcesi Gnesnensi SS. Cyrilli & Methodij Pontificis & Confessoris semiduplex.

ORATIO.

Omnipotens sempiternè Deus, qui nos per beatos Pontifices & Confessores tuos, nostrosq; Patronos Cyrillum & Methodium ad unitatem fidei Christianæ vocare dignatus es: præsta quæsumus; ut qui in præsentì eorum festivitate lætamur, ipsorum etiam meritis gloriâ consequi mereamur æternam. Per Dominum nostrum.

Lectio V.

Sancti Confessores & Pontifices Cyrillus & Methodius fratres, Constantini Thessalonicensis cognomento Philosophi, civis Constantinopolitani erant filij. Cum adolevisset, Præbyteratus ordinem Constantinopoli consecuti, gentium Slavicarum primi doctores, viriq; Aposto-

lici facti sunt. Cyrillus Gazaros, magnam Slavinorum gentem, qui tum Tauricam peninsulam vicinasq; regiones incolébant, à Michæle Imperatore missus ad Christi fidem convertit. Chersonesum Herachiam eius peninsula civitatem Græcam cum accessisset, dumq; ibi primum Gazarorum linguam disceret, sancti Clementis Pontificis Romani corpus, cum anchora eidem alligata, in vicino mari, temploque marmoreo invenit. Quod acceptum dum secum circumferret, magna miracula Deus passim per illud operatus est. R. Inveni David.

Lectio VI.

Constantinopolim cum rediisset Cyrillus, denuò a Suatoplugo rege Moraviæ ad Imperatorem venit legatio, petente Cyrillum sibi mitti, eiusdem religionis docendæ grâtiâ. Assumpto igitur fratre Methodio, longum iter ingressus, ad Volgaros Danubij accolâs primum divertit: eis itidem fidem Christi, sacrasq; literas, in eorum linguam conversas tradidit: eas videlicet, quibus non tantum omnes Volgarorum populi, sed multæ quoq; aliæ utuntur nationes, quæ lumen fidei à Volgaris mutuata sunt. R. Posui adiutorium.

Lectio VII.

Ad Moravos deinde ambo, non sinè corpore sancti Clementis, perveniunt: Suatoplugum regem, Velogradî sedem habentem cum sua gente baptizant: quin & Bœmiæ Ducem Borziuoium, cum sua uxore sancta Ludimila, eodem sacro lavacro tingunt. Archiepiscopus Velogradî Cyrillus ordinatur: cui adduntur in amplo Suatoplugi regno, septem alij Suffraganei Episcopi. R. Iste est qui ante Deum.

Lectio

Lectio VIII.

FVndatis tandem Ecclesijs, & Christi opere perfecto, sancti Clementis corpus Romam deferunt: & a Nicolao primo Pontifice impetrant, ut gentibus a se baptizatis lingua vernacula obire sacra liceret. Quod divino responso approbatum esse fertur; ut omnis spiritus laudaret Dominum. R. Iustum deduxit.

In tertio Nocturno Homilia in Evangelium. Vigilate quia nescitis.

DIE XVII. MARTII.

In diocesi Gnesnensi Sanctæ Gertrudis Virginis semiduplex.

O R A T I O.

Indulgentiam tuam nobis, quæsumus Domine, beata Gertrudis impleret, quæ tibi grata semper extitit & merito castitatis, & tuæ professione virtutis. Per Dominum nostrum.

Lectio V.

Ex Ioanne Molano & Lauri Surio.

Sancta Gertrudis Virgo clarissimis parentibus, patre Pipino Magno Regis Fraciæ Procuratore domus, matre verò Ita, femina pudicissima sanctaque nata fuit, Modestiam, & humilitatis virtutem a prima ætate ita coluit, ut ancillis suis se ministram ancillamque præstaret. Rex Dagobertus cum eam Ducis Austrasiæ filio, qui tum in comitatu eius erat, uxorem postularet; virgo respondit, se neque hunc, neque mortaliū quemquam, sed solum Christum Deum sponsum habere velle. Iuvenis ille repulsam passus, cum nihilominus à proposito non desisteret, Virgo sancta parentum auxilio in orien-

talem Franciam cum Atalango presbytero, & Bernardo diacono profugit: ibique in loco, qui Caroli mons nominatur, per divinam revelationem, corpora sanctorum martyrum Kiliani & sociorum eius invenerunt. R. Propter veritatem.

Lectio VI.

Pipino patre, simul & iuvene illo proco mortuis, beata Gertrudis ad matrem rediit: domum suam in monasterium sanctimonialium, Amando Episcopo adiutore convertit. Et ne Gertrudis à quibusdam procis amplius pateretur insidias; mater ipsa filie capillum abscidit. Quæ aliquanto post inter Virgines, suscepto velamine, consecrata est. Post obitum matris cum ipsa monasterij curam suscepisset, ut liberior Deo servire, sacrisque studiis vacare posset, eam exemplo Moysis divisit in plures. R. Dilexisti iustitiam.

Lectio VII.

Interim non solum, in sacrarum literarum scientia, sed in spiritualibus quoque virtutibus ita profecit, ut a sororibus lux aliquando sphæræ igneæ super eam irradiare visa est. Nuntios quoque suos in mari periclitantes, invocata, licet absens corpore liberavit. Ad hæc, beati martyris Foillani corpus, indicio supernæ revelationis ipsa meruit invenire. R. Adducentur Regi.

Lectio VIII.

Cum divino spiritu se morti proximam esse cognovisset, ut reliquum trium mensium tempus in opera pietatis, & beatæ vitæ studium sanctius expenderet, omnem monasterij curam Voltrudi cognatæ suæ tradidit. Sepulturam qualem habere vellet, omni pompa vacuum, ordinavit: corpus tantum cili-

cilicio, quò uti consueverat, caput autem vili quodam velo, à sacra quadam virgine donato, tegi voluit. Deinde à sancto Vltano monacho de die obitus sui facta cèrtior, anno ætatis suæ trigésimo tertio, sumpto sacratissimi corporis viatico, animam creatóri Deo reddidit: beato Patritio cum sanctis Angelis, illi ut vates Vltanus prædixerat, occurrènte. Eadem enim dies, nempe Martij decima séptima, sancto Patritio Hybernorum Apostolo iam pridem erat sacra. *R.* Prudentes virgines.

In tertio Nocturno Homilia in Evangelium. Simile erit regnū cælōrum decem virginibus.

DIE XXIII. APRILIS.

In festo Sancti Adalberti Episcopi & Martyris Regniq; Poloniae Patroni. Duplex.

Ad vespervas Antiphona.

Sancti tui Domine. *cum reliquis de Communi Martyrum tempore Paschali.* Psalmus Dixit Dominus. *cum reliquis de Dominica.* Capitulum. Stabunt iusti. *R.* breve. Lux perpetua. Hymnus. Deus tuorum militum. *Ps.* Sancti & iusti.

Ad Magnificat Antiphona.

Magnificet te Dómine, tuo redempta sanguine Christiāna lætabūda plebs, annua Adalberti votiva cèlebrans solemnia: cuius morte pretiōsa, devōta promittit gaudia, ut per eius suffragia tua impetret beneficia, alleluia.

O R A T I O.

TVam nobis indulgentiam, quæsumus Domine, Beatus Adalbertus Episcopus & Martyr implōret, ut & delicta

nobis clemēter ignoscas, & beneficia desiderata concedas. Per Dominum nostrum.

Ad Matutinum Invitat.

Hymnus. Antiphonæ. Psalmi, & omnia alia dicuntur de comm: Mart: tempore Paschali exceptis his, quæ hic assignantur. In primo Nocturno Lektionen de communi unius Martyris. A Mileto, Resp: Beatus vir. &c.

In secundo Nocturno quæ etiam in festo Translationis eiusdem Sancti dicuntur.

Lectio V.

ADalbertus Episcopus Pragensis in Bóemia nobilissimis parentibus, Slaunico Libicensi Comite, ac Strzezyslawa natus, Voitechus antea patrio sermone dictus fuit: ab Episcopo autem Magdeburgensi Adalberto, apud quem deinceps piè & honestissime educatus est, alterum nomen accepit. Postquam Ditmaro in Episcopatu Pragensi successit, eum Sanctissime, in magna vitæ continentia, pietate, pauperumque cura gessit. Propter contumacis tamen populi gravia peccata deferere illum coactus, Sedem Apostolicam hac de re consulturus in Italiam se contulit. *R.* Lux perpetua.

Lectio VI.

Peregrinatione Ierosolymitana, quam instituerat, intermissa, Romæ Leoni Abbati S. Bonifacij commendatur. Ibi cum in Religiosa vita quinquennium exegisset, a Pragensibus pertæsis orbitis denuò revocatur. Principis ipsius, & Archiepiscopi Moguntini nuntijs precibusq; exoratus Pontifex, redire Adalbertum ad suos iubet. Recipiunt læti reducem: non diu tamen illi obtemperant:

rant: sacras enim ædes invadunt, fontefq; qui ad illas confugerant, per vim ereptos interficiunt. Iterum illos deserit Adalbertus, animoq; ad convertendas gentes alias, & ad Martyrium destinato, ut benedictionem tamen Sedis Apostolicæ obtineat, Romam revertitur. *R.* In servis.

Lectio VII.

Denuo Pragenfes & Moguntinus Adalbertum repetunt. Cumq; iussu Pontificis iterum ad illos rediret, tres fratres suos ab eis cæcos esse cognoscit. Pragensem ergo viam præclusam sibi, mentefq; illorum a se alienatas esse videns, Deo gratijs actis, convertendigen- tes, quod Romanus Pontifex probaverat, institutum suum prosequitur. Hungariam cum Rege Geisa, eiusq; filio Sancto Stephano in fide Christi confirmato: Poloniam vicinam, cognatamq; Bœmis suis gentem, salutaribus præceptis copiosius instruit. *R.* Filia Ierusalem.

Lectio VIII.

Post triennium autem Radzino, fra- tre in Archiepiscopatum Gnesnensem suffecto, ipse in Prusiam, idolis adhuc & dæmonibus servientem proficiscitur. Ibi dum religionem Christianam disseminaret, apud Fishausum, si- nus venedici oppidum, inter sacrificandum confossus, & in partes dissectus est. Corpus eius a Boleslao Chrabro Principe Poloniae postea redemptum, & in Tremesnense Monasterium prius, deinde Gnesnam Metropolim honorifice translatus est. *R.* Letabitur iustus.

In tertio Nocturno

Lectio Sancti Evangelij secundum Ioannem.

Lectio IX. Cap. 10. b.

IN illo tempore. Dixit Iesus Phari- sæis: Ego sum Pastor bonus. Bonus pastor animam suam dat pro ovibus suis. Et reliqua.

Homilia Sancti Gregorij Papæ,

Hom. 17. in Evang.

Est aliquid fratres charissimi, quod me de vita pastôris vehementer affligit. Ad exteriôra enim negotia delapsi sumus; & aliud ex honore suscipimus, atq; aliud ex officio actionis exhibemus. Ministerium prædicationis relinquimus, & ad pœnam nostram, ut video, Episcopi vocamur, qui honoris nomen non virtutis tenemus. Relinquant namque Deum hi, qui nobis commissi sunt, & racemus: in pravis actionibus iacent, & correptionis manus non tendimus: quotidie per multas nequitias pœreunt, & eos ad infernum tendere negligenter videmus.

R. Ego sum vitis vera, & vos palmites; * Qui manet in me, & ego in eo, hic fert fructum multum, alleluia; alleluia. *Y.* Sicut dilexit me Pater, & ego dilexi vos, Qui manet,

Lectio X.

Sed quomodo nos vitam corrigere valemus alienam, qui negligimus nostram? Curis enim secularibus intenti, tanto insensibiliôres intus efficimur, quanto ad ea, quæ foris sunt, studiosiôres videmur. Vsu quippè curæ terrenæ, à cælesti desiderio obdurêscit animus: & dum ipso suo usu durus efficitur, per actionem sæculi, ad ea molliri non valet, quæ pertinent ad charitatem Dei. Vnde benè Sancta Ecclesia de membris suis infirmantibus dicit: Posuerunt me custodem in vineis: vineam meam non custodivi.

R. Candidi facti sunt Nazaræi eius, alleluia: splendorem Deo dederunt, alleluia, * Et sicut lac coagulati sunt, alleluia. V. Candidiores nive, nitidiores lacte, rubicundiores ebore antiquo, sapphiro pulchriores. Et sicut.

Lectio XI.

Considerate ergo, quid de gregibus agatur, quando pastores lupi fiunt: hi enim custodiam gregis suscipiunt, qui insidiari gregi Dominico non meruunt, contra quos greges Dei custodire debuerant. Nulla animarum lucra quæimus, ad nostra quotidie studia vacamus: terrena concupiscimus, humanam gloriam intenta mente captamus. R. O quam prædicanda & laudanda in Sancto Adalberto excellentia cælestis gratiæ radiat, cum & in æuo sit teneoriore. * Et in divino sacerdote sancto martyre, Deo munus acceptabile, alleluia. V. Fit in pueri oblatio, sacrificium in Præsule, holocaustum in martyre. Et in divino.

Lectio XII.

ET quia eo ipso, quo cæteris prælati sumus, ad agenda quælibet maiorem licentiam habemus, susceptæ benedictionis ministerium vertimus ad ambitionis argumentum. Dei causam relinquimus, ad terræ negotia vacamus. Locum sanctitatis accipimus, & terrenis actibus implicamur. Impletum est in nobis profectò, quod scriptum est: Et erit sicut populus, sic sacerdos. R. Alme Præsul, & beate Dei martyr Adalberte confer opem petentibus, tuis sanctis precibus mala pelle, bona posce. * Præsta pacis incrementum, confer vitæ gaudia, alleluia. V. Ut sub tuo protecti patrocinio, gloriemur in

laude Dei perpetuò, Præsta pacis. Gloria Patri. Præsta. Te Deum laudamus.

Sequentia Sancti Evangelij secundum Ioannem. cap. 10. b.

IN illo tempore: Dixit Iesus Phariseis: Ego sum pastor bonus. Bonus pastor animam suam dat pro ovibus suis. Mercenarius autem, & qui non est pastor, cuius non sunt oves propriæ, videt lupum venientem, & dimittit oves, & fugit: & lupus rapit, & dispergit oves: mercenarius autem fugit, quia mercenarius est, & non pertinet ad eum de ovibus. Ego sum pastor bonus: & cognosco meas, & cognoscunt me meæ. Sicut novit me Pater, & agnosco Patrem: & animam meam pono pro ovibus meis. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus pastor.

Ad Benedictus Antiphona.

Sacerdos Dei Adalberte martyr & Pontifex gloriose, intercede ad Dominum pro devotis famulis, alleluia.

In secundis Vesperis Antiphona.

Sancti tui Domine, cum reliquis de communi Martyrum tempore Paschali &c.

Ad Magnificat Antiphona.

Per merita sancti Adalberti Christe nos exaudi; atque eius precibus nobis succurre miseris, alleluia.

DIE II. MAII.

Sancti Athanasij Episcopi & Confessoris Duplex. & pro S. Sigismundo lectio 12. cum commemoratione.

ORA.

O R A T I O.

DEus, qui beatum Sigismundum Regem temporali & ætérno diadema te cum desiderata martyrij corónâ honorare dignatus es: tribue quæsumus, ut qui eius mérita venerámur in terris, ipsius intercessionē ab ómnibus protegámur advérsis. Per Dominum nostrum.

Lectio XII.

Sigismundus Rex & martyr Gunebaldus Rege Burgúndiæ infideli inter fideles natus, à púero Christiánæ fidei addictissimus, ieiúnijs, oratióibus, & elémósynis assiduē óperam dabat. Patri mortuo succédens, Regnum è ténebris infidelitatis ad lumen fidei sanctæ addúcere omni stúdio conabatur: in quo ille súbditis suis exémplo humilitatis, sobrietatis, mäsuetúdinis, pietatis, munificentiæ, iustitiæ, reliquarúmque virtútum prælucebatur. Et quamvis secundæ uxóris impulsu, filium, quem ex prióre uxóre suscepérat, occidisset; is tamen lapsus effecit ut véluti alter David, duriórem poenitentiæ viam ingressus, maióris gratiæ divini thesaurum sibi comparáret. Talia vúlnera & cicatrices Sanctórum, glória sunt cæléstis chirúrgi. Itaque cum memóriam sanctórum visitáret in finibus Sedunórum, eius loci, in quo sanctus Mauritius cum socijs suis passus est, devotióne captus, divinitus respóso accepto, Agaupénsē Ecclesiā cum Monasterio extruxit & dotavit. Vbi postea religioso hábitu suscepit, uberes lácrimas cum sanctórum Mátyrum sanguine coniungébat, pro suis, súbditorúmque suórum peccátis agens poenitentiā. Interim Franci, adhuc infideles, Burgúndiam ingressi vastare cæperunt. Quibus se Burgúndij, qui adhuc in infidelitate persistebant adiungéntes, Regnum & Regem Sigismundū illis prodiderūt. Quem

illi captum, in púteum vétérē profundissimum, apud Caloniam Vicum proiecérunt & submersérunt; unaque uxórem eius, & filios duos, Hístáldum & Gunebáldum. Corpus eius cælestibus radijs ac revelatióibus divinis demonstrátum in Ecclesia, quam sanctis Martyribus constrúxerat appósitum est, &c. Beatus vir,

DIE IV. MAIJ.

In Festo S. Floriani militis & martyris Regniq; Polonia Patroni. Duplex. Vespera de S. Cruce cum commemoratione S. Floriani. Antiphona.

O florem Eden purpúreum beatissimum Florianum, qui sæculi militiam, in vitæ commutans innocentiam, ad martyrij agónem per fidei properans confessiōem, pro Christo lætus occubuit, regnumq; supérnum obtinuit, alleluia.

Ps. Sancti & iusti in Domino gaudete, alleluia. &c. Vos elégit Deus in hæreditatem sibi, alleluia.

O R A T I O.

DEus, qui nos beati Floriáni Mátyris tui solemnitate lætificas; concede propitius, ut cuius gloriósum triumphum venerámur in terris, societatis eius lætitiā adipisci mereamur in cælis. Per Dominum nostrum.

Ad Matutinum omnia de comm: Martyr. tempore Paschali præter ea quæ hic assignantur. Hymnus ex Vesperis. Lectiones primi Noct: de comm: plurimorum Martyrum. Fratres debitores sumus.

In secundo Nocturno.

Lectio V.

Ex Martyrologio & Annal. Polen.

FLorianus Martyr passus est Diocletiano & Maximiano Imperatóribus, persecutióne décima, eaque última. Cum Théciz audisset, quadra-

quadraginta milites, qui sub eius signis aliquando stipendia merébant, Lauream Norici martyrij causa ablegatos, ac ibi varijs tormentis consumptos esse, festinè ad illud oppidum se contulit: turpè putas veteranum in tam pulchra victoria à tyrónibus vinci. *R.* Lux perpetua.

Lectio VI.

Comprehensus sistitur Aquilino præfecto. Qui cum in confessione lesu Christi constanter perseveraret, fustibus Præfecti iussu, semel atque iterum cæditur in scapulis, deinde ferro acuto graviter verberatur. Ad extremum, saxo ad collum appenso in fluvium Anasum deijci iubetur. Gaudens ibat à conspectu iudicis Florianus. Ad pontem ubi venit impetrat orationis tempus. In qua cum tota hora commoraretur; audacior quidam accurret, ac Martyrem in fluvium deiicit, in quem confestim cecidit caligo & tenebræ. *R.* In servis suis.

Lectio VII.

Sed ecce Dei servis serviunt omnia: deportat fluvius Sancti corpus, & ad saxum exponit. Mittitur à Deo inusitatae magnitudinis aquila, quæ corpus Sancti ab omni protexit iniuria. Apparet demum in somnis piæ cuidam mulieri Valeriæ, ac ut corpus suum condar, admonet. Romam postea transfertur, ac cum principibus Diaconis Stephano & Laurentio collocatur, magnò urbis solatio & præfidiò. Nam eius advetu, omnis barbarorum furor, qui tum urbem, ac universam Italiàm vexabat, resedit, paxque optata restituta est. *R.* Filia Ierusalem.

Lectio VIII.

Tandem anno Domini millésimo centésimo octogésimo tertio, Casimirus bello & pace clarus Poloniæ prin-

ceps, unà cum Gedeone Episcopo Cracoviensi, ad Lucium tertium summum Pontificem mittunt, precantes, ut illis alicuius à sanctis Martyribus ossa impertiatur, qui genti, & urbi contra Prussos, Tartaros; aliasque barbaras gentes pro muro & vallo esset. Mittuntur ergo per Egidium Episcopum Mutinensem sacra ossa. Gens tota cum Rege suo ad septem miliaria tanto hospiti obviam effusa prodit. Depônitur honorifice Martyr in templo à Casimiro extructo: pars corporis in primarium templum deferretur, ac in marmoreo altari includitur. Et sicut Ierosolyma Stephano, Roma Laurentio; ita suo gaudet Polonia Floriano. *R.* Letabitur.

In tertio Nocturno.

Lectio sancti Evangelij secundum Ioannem.

Lectio IX. Cap. 15.

In illo tempore: Dixit Iesus discipulis suis: Ego sum vitis vera: & Pater meus agricola est. Et reliqua.

Homilia sancti Cyrilli Episcopi Alexandrini.

In Ioannem lib. 10. cap. 13.

VT quantum oporteat inhærere sibi, & ab eo pendere, & quantum nobis hoc prodest, ostenderet; vitem se ipsum exempli ratione, & palmices affixos in eo credentes appellavit, qui participatione spiritus, per quem Salvatori coniungimur, naturæ suæ communicamus. Qui enim Domino, ut agit Paulus adhæret, unus est spiritus cum eo. *R.* Ego sum vitis.

Lectio X.

Quemadmodum igitur voce prophetica basis & fundamentum appellatur (in ipso enim adificamur vivi lapides,

des, spiritalesq; facti, ad habitaculum;
Dei in spiritu, & sacerdotium sanctum;
nec edificari nisi per Christum possumus)
sic vitis, appellatur, ut mater & nutrix
palmitum. R. Candidi facti.

Lectio XI.

Regenerati enim ex Christo, & per
ipsum in spiritu sumus, ad referen-
dum fructum vite, non illius prisce:
sed huius novae, quae est per fidem, &
charitatem erga ipsum. R. Quam ve-
nerandus dum se se commilitonem Chri-
sti fatetur supplicem: * Et mox ad sa-
vum ducitur iudicem, alleluia. V. Sed
nec blandimentis separari a recta fide
quilit, nec tormentis. Et mox.

Lectio XII.

Conservamur autem in hoc statu, &
ad hoc, ut ita dixerim, inferti quo-
dammodo ipsi sumus, id est, firmiter re-
tinentes tradita nobis ab ipso mandata,
studentesq; huius nobilitatis bonum ser-
vare. Quod fit, si Spiritum sanctum, per
quem in nobis Deus habitat, non offen-
damus. R. Ad pontem Anasi fluminis iussu
perducitur Aquilini Praesidis: Unde fa-
cta oratione praecipitatur, sed ab unda
super lapidem reclinatur: * Vbi ab a-
quila corpus eius expansis alis servatur,
alleluia. V. Cum ceciderit iustus non
collidetur: quia Dominus supponit ma-
num suam. Vbi ab aquila: Gloria Vbi
ab Aquila. Evangel. de com.

Ad laudes & per Horas Antiph. Sancti
tui Domine. & reliqua de communi. R.
br. Capitulum de comm.

Hymnus.

Sæpe Martyr verberatus,
Vncis carnem laceratus
Deum, dicens, colo Trinum,
Confutavit Aquilinum.

Idem facis Aquiline,

Quod prementes florem spinæ:
Pungis, premis sanctum florem,
Reddit pressus flos odorem,
Nunc o Martyr Dei chare,
Fac nos hostes debellare,
Impugnantes fidem Christi,
Quam tenendo, non cessasti.

Deo Patri sit gloria,

Et Filio, qui a mortuis
Surrexit, ac Paracrito,
In sempiterna secula. Amen.

V. Pretiosa in conspectu Domini alleluia.

R. Mors sanctorum eius alleluia.

Ad Benedictus Antiphona.

Dum æternæ diæ aurora illuxerit, dum
tuba novissima insonuerit, præclare Mar-
tyr Floriane, nos digneris adiuvere: ut
gratia solis iustitiæ, Sanctorum perfru-
amur splendore, alleluia. Oratio ut supra.

In secundis vesp. Antiph. Psalmi Capit.

R. br. de communi Mart. temp. Paschali.

Hymnus.

Gratuletur Ecclesia,
Nova laudum præconia,
Dei canens cum gratia,
Pro Floriani gloria.
Hic apud urbem Théciam,
Linquens domum familiam,
Laureacum accelerat,
Qua sanctos pari noverat,
Mox a commilitonibus
Tentus, verbis, verbéribus,
Iam mulcetur, iam frangitur,
Nec a fide reflectitur
Hinc uncis fractis scapulis,
Vir insons sine maculis,
Dum iactatur in flumine,
Tortor privatur lumine.
In petra corpus nobile
Cura servatur aquilæ;

Quod ut mandet terræ, plantæ
 Martyr monet Valeriam,
 Dum ad humandum ducitur,
 Iumentum sibi premitur;
 Mirè tamen reficitur,
 Fons novus quia funditur,
 Deo Patri sit gloria,
 Et Filio, qui à mortuis
 Surrexit, ac Paraclyto
 In sempiterna sæcula. Amen.

Ÿ. Pretios. &c. *Antiph. ad Magn. O*
 florem Eden. *ut in primis Vesp. & Oratio*
ibidem.

DIE VIII. MAIJ.

In Festo Sancti Stanislai Episcopi
 & Martyris, Regniq; Poloniæ
 Patroni. *Duplex.*

Extra Poloniam verò septima die Maij. ubi
Sancti Michaelis Archangeli Apparitio Octava
Maij celebratur.

Ad Vesperas omnia de comm. Mart. temp.
Paschal. præter ea quæ hic assignantur.

Capitulum. *Hebr. 5.*

Omnis Pontifex ex hominibus assump-
 ptus, pro hominibus constituitur
 in ijs quæ sunt ad Deum, ut offerat do-
 na & sacrificia pro peccatis.

R. breve. Lux perpétua lucébit sanctis
 tuis Domine, * Alleluia, alleluia. Lux
 Ÿ. Et æternitas temporum. Alleluia,
 alleluia. Gloria Patri. Lux perpétua.

Hymnus.

GAude Mater Polonia
 Prole tẽcunda nobili;
 Summi regis magnalia
 Laude frequẽta vigili,
 Cuius benigna grãtia,
 Stanislai Pontificis
 Passiõnis insignia
 Signis fulgent mirificis:
 Hic certans pro iustitia,
 Regis non cedit furia:

Stat pro plebis iniuria
 Christi miles in acie.
 Tiranni truculentiam
 Qui dum constantẽr arguit,
 Martyrij victoriam
 Membratim cæsus meruit.
 Novum pandit miraculum
 Splendor in sancto calicis:
 Redintegrat corpusculum
 Sparsum cælestis medicus.
 Sic Stanislavus Pontifex
 Transiit ad cæli curiam,
 Ut apud Deum opifex
 Nobis impleret veniam.

Poscentes eius merta
 Salutis dona referunt:
 Morte præventi lùbita
 Ad vitæ portum redeunt.
 Cuius ad tactum annuli,
 Morbi fugantur turgidi;
 Ad locum sancti tumult
 Multi curantur languidi.
 Surdis auditus redditur,
 Claudis gressus officium:
 Mutorum lingua solvitur,
 Et fugatur dæmonium,
 Ergo felix Cracovia,
 Sacro dotata corpore,
 Deum qui fecit omnia
 Benedic omni tempore.
 Sit Trinitati glòria,
 Laus, honor, iubilatio:
 De Martyris victoria
 Sit nobis exultatio. Amen.

Ÿ. Sancti & iusti in Domino gaudete,
 alleluia. *R.* Vos elegit Deus in hæredi-
 tatem sibi, alleluia.

Ad Magnificat Antiphona.

O Beate Stanislave, Præsul plebis Cracó-
 via, cuius signa victoriæ latè patent Po-
 loniæ: nam dono Christi grãtiæ, pestes
 curantur variæ. Tua, Martyr egrégie fe-
 ita

sta colentes hodie, Regi commenda gloria, alleluia.

O R A T I O.

DEUS, pro cuius honore gloriosus Pontifex Stanislaus gladijs impiorum occubuit: presta quæsumus, ut omnes, qui eius implorant auxilium, petitionis suæ salutarem consequantur effectum. Per Dominum nostrum.

Ad Matutinum Hymnus. Gaude Mater &c.

In primo Nocturno.

Ex Epistola beati Pauli ad Hebræos.

Lectio I. cap. 5.

OMnis Pontifex ex hominibus assumptus, pro hominibus constituitur in ijs quæ sunt ad Deum, ut offerat dona & sacrificia pro peccatis: qui condolare possit ijs, qui ignorant & errant: quoniam & ipse circumdatus est infirmitate: & propterea debet, quemadmodum pro populo, ita etiam & pro semetipso offerre pro peccatis. R. Beatus vir.

Lectio II.

Nec quisquam sumit sibi honorem; sed qui vocatur à Deo, tanquam Aaron. Sic & Christus non semetipsum clarificavit, ut Pontifex fieret: sed qui locutus est ad eum: Filius meus es tu, ego hodie genui te. Quemadmodum & in alio loco dicit: Tu es sacerdos in æternum, secundum ordinem Melchisedech. R. Tristitia vestra.

Lectio III.

Qui in diebus carnis suæ, preces supplicationesq; ad eum, qui possit illum saluum facere à morte, cum clamore valido & lacrymis offerens, exauditus est pro sua reverentia. Et quidem cum esset Filius Dei, didicit ex ijs, quæ passus est obedientiam, & consummatus, factus est omnibus obtemperantibus si-

bi, causa salutis æternæ, appellatus à Deo Pontifex, iuxta ordinem Melchisedech. R. Pretiosa.

Lectio IV.

DE quo nobis grandis sermo, & interpretabilis ad dicendum: quoniam imbecilles facti estis ad audiendum. Etenim cum deberetis magistri esse propter tempus; rursus indigetis, ut vos doceamini quæ sint elementa exordij sermonum Dei: & facti estis quibus lacte opus sit, non solido cibo. Omnis enim, qui lactis est particeps, expers est sermonis iustitiæ: parvulus enim est. Perfectorum autem est solidus cibus: eorum qui pro consuetudine exercitatos habent sensus ad discretionem boni & mali.

R. De ore prudentis.

Lectioes secundi Nocturni ut in Breviario VII. Maij.

In tertio Nocturno.

Lectio sancti Evangelij secundum Ioannem.

Lectio IX. Cap. 10.

IN illo tempore: Dixit Iesus Phariseis: Ego sum pastor bonus. Bonus pastor animam suam dat pro ovibus suis. Et reliqua.

Homilia sancti Augustini Episcopi. De verbis Domini sermone 50.

Avidimus Dominum Iesum commendantem nobis boni pastoris officium: in qua commendatione admonuit nos utrique; ut intelligi datur, bonos esse pastores. Et tamen ne intelligeretur perverso modo multitudo pastorum. Ego sum inquit, pastor bonus, & unde sit pastor bonus, consequenter ostendit: pastor inquit, bonus, animam suam pro ovibus ponit. Pastor ergo bonus Christus, Quid Petrus! nonne bonus pastor!

pastor! nonne & ipse animam pro óvibus posuisti? Quid Paulus? quid ceteri Apostoli? Quid eorum tempora consequentes beati Episcopi Martyres? quid etiam iste Sanctus Stanislaus nonne omnes pastores boni, non mercenarii, de quibus dicitur: Amen dico vobis perciperunt mercédem suam: Omnes ergo illi pastores boni, non solum quia sanguinem fuderunt? sed quia pro óvibus fuderunt. Non enim fuderunt elatione, sed caritate. R. Ego sum vitis vera, & vos palmites. * Qui manet in me, & ego in eo, hic fert fructum multum, allelúia, allelúia. V. Sicut dilexit me Pater, & ego dilexi vos. Qui.

Lectio X.

Nam & apud hæreticos, qui propter iniquitates, & errores suos, aliquid molestiarum perpessi fuerunt, nómine martyrij se iactant; ut hoc pallio dealbati, facilius furentur, quia lupi sunt. Si autem vultis scire, in quo número habendi sunt, pastorem bonum, Paulum Apostolum audite, quoniam non omnes, qui corpora sua in passione etiam ignibus tradunt, æstimandi sunt sanguinem fuisse non pro óvibus, sed potius contra oves. Si distribúero, inquit, omnia mea pauperibus, & tradidero corpus meum, ut ardeam, caritatem autem non habeam, nihil mihi prodest. Ecce venit ad passionem, ecce venit & ad sanguinis effusionem, venit & ad corpoream incensionem; & tamen nihil prodest: quia caritas deest. Adde caritatem, prosunt omnia: detrahe caritatem, nihil prosunt cetera. R. Candidi facti sunt Nazaræi eius, allelúia: splendorem Deo dedérunt, allelúia. * Et sicut lac coagulati sunt, allelúia, allelúia. V. Candidiores nive, nitidiores lacte, rubicundiores ebore antiquo, saphiro pulchriores. Et sicut,

Lectio XI.

Q Vale bonum est caritas ista, fratres? quid pretiosius? quid firmitus? quid utilius? quid securius? Multa sunt Dei dona, quæ tamen habent & mali, qui dicuntur sunt: Domine, in nomine tuo prophetavimus: in nomine tuo dæmónia eiecimus: in nomine tuo virtutes multas fecimus. Non respondēbit ille, non fecistis: non enim in conspectu tanti iudicis audēbunt mentiri, aut iactare, quæ non fecerunt: sed quia caritatem non habuerunt, respondebit omnibus illis: non novi vos. R. O venerandam Martyris constantiam! o prædicandam Stanislai Præsulis fidem, qua in testem veritatis Boleslai Regis sistendum tribunálibus, * Petrum revocavit ab inferis, V. Triennem in tumulo, deficientibus à veritate filijs hominum! * Petrum revocavit.

Lectio XII.

Q Vomodo autem habet vel exiguiam charitatem, qui etiam convictus, non amat unitatem? Hanc Dominus unitatem commērans pastoribus bonis! commendans pastores bonos, noluit multos appellare pastores. Neque enim ut dixi iam, non erat pastor bonus Petrus, Paulus, Apostoli ceteri, & posteriores sancti Episcopi, beatus Stanislaus. Omnes hi pastores boni? & tamen ille pastoribus bonis non commendavit pastores bonos, sed Pastorem bonum. Ego sum, inquit pastor bonus. R. Pastor cadit in gregis medio: dormit sponsus in sponsæ gremio: mater plorans gaudet in filio * Quia vivit victor sub gladio. V. Cleri plebisque concio, in patris natalitio, iubilet cum tripudio, pro tanto beneficio. Quia vivit Gloria Patri, Quia vivit. Hymnus. Te Deum.

Sequentia sancti Evangelij. prout in festo

S. Alal.

S. Adalberti supra Oratio. Deus, pro cuius honore. &c.

Ad Laudes & per Horas. *Antiph.* Sancti tui Domine. *de comm. Capit.* Omnis Pontifex. *R.* br. Sancti & iusti *Hymn.* Martyr Dei.

Ad Benedictus Antiphona.

Martyr Dei Stanislaus gloriosus Pontifex, quem occidit Boleslaus truculentus princeps: pastor bonus & patronus, adsit nobis opifex, & virtutum artifex alleluia. *Oratio.* Deus:

Ad Terriam Capitulum.

Omnis Pontifex. *Ps.* Sancti & iusti &c.

Ad Sextam Capitulum.

Qui condolere possit ijs, qui ignorant & errant; quoniam & ipse circum-latus est infirmitate. Et propterea debet quemadmodum pro populo, ita etiam & pro semetipso offerre pro peccatis. *Ps.* Lux perpetua.

Ad Nonam Capitulum.

Talis enim decebat, ut nobis esset Pontifex, sanctus, innocens, impollutus, segregatus a peccatoribus, & excellentior ceteris factus. *Ps.* Læticia sempiterna.

Ad Vesperas Antiphona.

Sancti tui Domine. *Psalm: ut in secundis Vesp. de communi Capitulum.* Omnis Pontifex &c. *R.* br. Lux perpetua luceb. *Hymnus.* Gaude mater Poló. *Ps.* Pretiosa.

Ad Magnificat Antiphona.

Vir inclyte Stanislae, vita, signis, passionem, plebem tuam pastor bone, fove benedictione, gubernam protectione, salva sancta intercessione, alleluia.

Commemor. S. Gregorij. O Doctor optime. *Ps.* Amavit. *Oratio.* Deus qui populo.

D I E XIII. M A I J.

In dioecesi Gnesnensi S. Servatii Confessoris & Pontificis. Dupl.

O R A T I O.

DEus, qui populo tuo sanctum dedisti Servatium prædicatorem, concede quæsumus; ut nos tanti Pontificis intercessione, & tua pietatis defensione, ab omnibus ubique liberemur adversis, & tranquilla prosperitate in tua iugiter laude lætemur. Per Dominum nostrum.

Lectioes primi Nocturni de script. curr. si venerit in Dominica, alias de comm. Conf. Pontif.

In secundo Nocturno.

Lectio V.

SANCTUS Servatius, Tugrorum Episcopus, insignis Catholicæ fidei confessor. strenuusq; defensor ac propugnator fuit. Multum inter Episcopos Galliarum laudatur a Sulpitio Severo, quod in concilijs Arimini & Seleuciæ, minis & terriculis Arianorum non cesserit, sed contra illos fidei professionem ediderit. Quin & magnus ille Catholicæ fidei confessor Athanasius, præclaram eius mentionem facit. *R.* Inveni David.

Lectio VI.

Pleras quoque ac in gregem Christi charitas huius sancti viri fuit eximia. Nam, ut divus Gregorius Turonensis scribit, vigilijs ac ieiunijs vacans, crebro lacrymarum imbre perfusus, misericordiam Domini precabatur, ne unquam Hunnorum gentem incredulam in Gallias venire permitteret. *R.* Populi adiutorium.

Lectio VII.

Atque sentiens per spiritum pro delictis populi hoc sibi non fuisse con-

concessum, Romam ivit ad B. Petri tumulum, ut adiunctis sibi Apostolicæ virtutis patrocinij, quæ flagitabat, mereretur facilius obtinere. Ibi verò multis diebus sese oratione inediaq; attingens, responsum accepit, deliberatione Domini sancitum esse, Hunnos Gallias debere populari: ipsius autem oculos ea mala non visuros. R. Iste est, qui ante,

Lectio VIII.

AD suos ergo Tungros, ut iussus erat, redit properè; rebusq; suis dispositis, ultimum eis valedicere, Traiectumq; urbem moriturus accedit. Ibi enim modica febre correptus, ad meliorem vitam transit. Cuius ibidem sepulchrum, quamdiu sub dio fuit, nix nunquam attingit, multisque deinceps miraculis Deus illustravit. R. Iustum deduxit.

In tertio Nocturno Homilia in Evangelium.
Ego sum vitis, vos palmites. de comm. Mart. tempore Paschali.

R. ix. Amavit cum Dominus.

R. x. Sint lumbi vestri.

R. xi. Iste sanctus dignè.

R. xii. Elegit te Dominus.

DIE XIII. JULIJ.

In festo Sanctæ Margaritæ Virginis & Martyris. Duplex. Omnia de communis Virginum. Oratio. Indulgentiam.

Lectioes primi Nocturni.
Confitebor tibi Domine Rex.

In secundo Nocturno.

Lectio V.

Ex his quæ sunt apud Laur. Surium.

BEATA Margarita ex Antiochia Pisdia oriunda, filia fuit Aedij, qui fuit illis temporibus vel maxime insignis sacerdos ido-

lorum. Cuius eximia pulchritudine cum captus esset Olibrius Præses Orientis, ita ut eam uxorem ducere haberet in animo, deprehensio quod Christiana esset, & nullo modo eius in Christum fidei rationem posset flectere, aut emollire blanditijs, varijs deinde tormentis eam est aggressus. R. Propter veritatem.

Lectio VI.

ITaque Virgo Sancta humi extensa primò virgis immiscorditer caesa est: deinde, cum ira ebullisset Olibrius, ferreis etiam laminis conclusa, & clavis affixa, ferreis laniata est fuscinis, ac sic in carcerem ducta. Vbi ipsa orante, repenteque magno terræ motu excitato, diabolus suscepta forma terribilis draconis eam circumcursantis signo crucis superavit, ac simul de cælo à plagis omnino fuit curata. R. Dilexisti.

Lectio VII.

SEQUENTI die impius Præses ad se vocata, & in sententiâ persistenti iubet, ut nudatæ lampadibus pectus uratur & latera, ac deinde de ligno depolita in magnum lebetem aqua plenum vineta conijciatur, ac sic suffocetur. R. Atferentur regi.

Lectio VIII.

VNDE cum nihilominus salva evasisset, cum ea, quæ explicari non potest exultatione, laudans Trinitatem, tandem ab impio Olibrio pronuntiata in eam capitis sententiâ, pulchrè decertationis suæ cursum perégit. R. Prudentes virgines.

In tertio Nocturno Homilia in Evangelium.
Simile est regnum cælorum thesauro. de comm. nec Virg. nec Mart.

R. ix. Hæc est virgo sapiens.

R. x. Media nocte.

R. xi. Induit me Dominus.

R. xii. Simile est.

DIE XV. JULIJ.

In festo Divisionis Sanctorum.

Apostolorum. Duplex.

*Omnia de communi Apostolorum prater ea
qua hic assignantur.*

Ad Vesperas Antiphona.

*Hoc est praeceptum, cum reliquis de
Laud. Psalm. de Dominica. Capitulum.*

*Fratres, iam non estis hospites. R. br.
Constitues eos. Hymnus. Exultet.*

*ψ. In omnem terram exivit sonus eo-
rum. R. Et in fines orbis terrae verba
eorum.*

Ad Magnificat Antiphona.

*Euntes in mundum universum, prae-
dicare Evangelium omni creaturae, al-
leluia: qui crediderit & baptizatus fue-
rit, salvus erit, alleluia: qui autem non
crediderit, condemnabitur, alleluia.*

O R A T I O.

DEus, qui Ecclesiam tuam distributam
per orbem terrarum sanctorum
Apostolorum praedicatione fundasti: con-
cede propitius; ut quorum hodierna die
sub una celebritate recolimus insignia,
eorum in cunctis necessitatibus nostris
experiamur suffragia. *Per Dominum
nostrum.*

*Lectiones primi Nocturni. Sic nos existi-
met homo. de comm. Apost. nisi occurrant
dicenda de Dominica precedenti.*

In secundo Nocturno.

Sermo sancti Ioannis Chrysostomi.

1. de Pentec. tom. 3.

Lectio V.

QUAE sunt tales stellae sicut A-
postoli? Stellae in caelo: Apo-
stoli super caelos. Quae sur-
sum sunt, inquit Apostolus,
sapite, ubi Christus est in dextera Patris
sedens. Stellae de igne insensibili: Apo-
stoli de igne intelligibili. Stellae inno-

cte lucent, in die obscurantur: Aposto-
li in die & in nocte suis radijs, hoc est
virtutibus, effulgent. Stellae orto sole
obscurantur, Apostoli sole iustitiae re-
splendente, sua claritate lucescunt. Stel-
lae in resurrectione cadent sicut folia?
Apostoli in resurrectione rapiuntur in ae-
ra nubibus. Et in illis quidem fide-
ribus alius Antifer, alius Lucifer appel-
latur: in Apostolis autem nullus Anti-
fer est, omnes Luciferi: & ideo stellis
maiores Apostoli. Et quicumque eos
luminaria vocaverit mundi, non pecea-
bit: non solum dum essent in corpore,
sed etiam magis nunc, quando de hac
vita migraverunt. *R. Vidi coniunctos.*

Lectio VI.

PERAGRARUNT piscatores orbem terrarum;
& infirmum eum invenientes,
ad sanitatem reduxerunt: & in rui-
na positum ad stabilitatem revocarunt,
non scuta moventes, non arcus tenden-
tes, non sagittas mittentes, non pecu-
nias largientes, non eloquentiae confi-
dentes. Et erant nudi quidem saeculo,
sed induiti Christum: pauperes, sed di-
vites; pecunia indigentes, sed regnum
caelorum possidentes. Non habentes hu-
mana solatia, habentes autem Dominum
suum. Ego enim, inquit, vobiscum
sum omnibus diebus usque ad consum-
mationem saeculi. *R. Beati estis.*

Lectio VII.

PERAGRARUNT universum orbem terrarum
oves simul cum lupis. Quis
vidit: quis audivit? Dicit, Mittam vos
ut oves in medio luporum. Quis un-
quam pastor oves mittit in medio lupo-
rum, sed magis si viderit lupos, congre-
get oves. At vero Christus e contrario
fecit: oves ad lupos direxit, & vul-
neratae a bestiis non sunt, sed magis lu-
pi ad ovium mansuetudinem sunt con-
versi. *R. Isti sunt.*

Lectio

Lectio VIII.

Vbi sunt nunc, qui audeant Ecclesiam contraire? Quando novella erat, in nullo potuit laedi; & nunc quando usque ad cælum pervenit, existimas eam posse superari? Et tunc quidem cum undecim essent Apostoli, nullus eos superare potuit, sed pauci homines totum ceperunt mundum: & nunc quando terra & mare, & orbis terrarum, & inhabitabiles regiones, & civitates, & omnes fines terræ pietate repleri sunt, putas eam te posse ledere? sed non poteris. Christus enim propter eam passus est, portæ inferi non prævalerunt adversus eam. Facilius cælum exterminari potest, & terra perire, quam aliquid mali pati Ecclesia. R. Constitues eos.

In tertio Nocturno.

Lectio Sancti Evangelij secundum Lucam.

Lectio IX. Cap. 9.

In illo tempore: Convocatis Iesus duodecim Apostolis, dedit illis virtutem, & potestatem super omnia dæmonia, & ut languores curarent. Et reliqua.

Hic incipit venerabilis Beda Presbyteri.

Benignus & clemens Dominus ac Magister non invidet servis atque discipulis virtutes suas. Et sicut ipse curaverat omnem languorem & omnem infirmitatem: Apostolis quoque suis tribuit potestatem, ut curent omnem infirmitatem, omnemque languorem. R. Isti sunt qui viventes.

Lectio X.

Sed multa distantia est inter habere & tribuere, donare & accipere. Ille quodcunque agit, potestate Domini agit: illi si quid faciunt, imbecillitatem suam & virtutem Domini continentur dicentes: In nomine Iesu surge & ambula. R. Isti sunt viri sancti.

Lectio XI.

Et misit illos prædicare regnum Dei, & sanare infirmos. Fortasse enim nemo crederet hominibus illiteratis, promittentibus regna cælorum. Ideo concessit illis primum potestatem signorum, & tunc misit prædicare regnum Dei; ut promissorum magnitudinem attestaretur etiam magnitudo factorum; fidemque daret verbis virtus ostensa: & nova facerent, qui nova prædicarent. R. Qui sunt isti.

Lectio XII.

Verum signa quæ tunc per Apostolos corporaliter fiebant, quotidie in sancta Ecclesia per sanctos prædicatores spiritualiter fiunt. Cum in fide quis infirmus, eorum prædicatione roboratur ad fidem: cum mortuus quis in peccatis, grætia & misericordia Dei compunctus, per eorum eruditionem, resuscitatur ad penitentiam & confessionem peccatorum suorum, dignaque emendatione vitam merebitur sempiternam. R. Ite in orbem universum, & prædicæ dicentes: * Qui crediderit, & baptizatus fuerit, salvus erit. ¶ Euntes in mundum universum prædicæ Evangelium omni creaturæ. Qui crediderit. Gloria Patri. Qui crediderit.

Sequentia Sancti Evangelij secundum Lucam. Cap. 9.

In illo tempore: Convocatis Iesus duodecim Apostolis, dedit illis virtutem, & potestatem super omnia dæmonia, & ut languores curarent. Et misit illos prædicare regnum Dei, & sanare infirmos. Et agit ad illos: Nihil tuleritis in via, neque virgam, neque peram, neque panem, neque pecuniam, neque duas tunicas habeatis. Et in quamcunque domum intraveritis, ibi manete, & inde

& inde ne exeat. Et quicumque non receperint vos; exeuntes de civitate illa, etiam pulverem pedum vestrorum excutite in testimonium supra illos. Egredi autem circuibant per castella evangelizantes & curantes ubique.

Oratio. Deus qui Ecclesiam tuam, *supra fol.*

Ad Benedictus Antiphona.

Convocatis Iesus duodecim Apostolis, dedit illis virtutem & potestatem super omnia demonia, & ut languiores curarent.

In secundis Vesp: ad Mag: Ant.

Egredi duodecim Apostoli, circuibant per castella, evangelizantes & predicantes ubique.

Et sit commemoratio sequentis.

DIE XVI. JULII.

In festo SS. Andreae ac Benedicti Martyrum. Duplex.

ORATIO.

DFus, qui nos concedis Sanctorum Martyrum tuorum Andreae & Benedicti natalitia colere: da nobis in aeterna beatitudine de eorum societate gaudere. Per Dominum nostrum.

Ad altera omnia de Communi plurimorum Martyrum prater Lectiones.

In secundo Nocturno.

Lectio V.

SANCTUS Andreas Suiradus, quem alij Zoerardum nominant ex Polonia provincia ortus, Christiana religione cum primis in Polonia & Hungaria florente, vitam monasticam in cenobio Zobor dicto, apud Nitriam civitatem, sub Philippo Abbate professus est. Mira illius viri abstinentia, carnisque mortificatio praedicatur: quippe qui prater triduam

frequentem inediam. Quadragesimam quoque solis quadraginta nunciis contentus transigeret; nihilominus tamen interdiu operaretur, noctu vero vix quidquam quietis caperet. Sedenti enim iuxta spineam sepem somnus erat lumbisq; catenam occultam area praecinctis. *R.* Sancti tui Domine.

Lectio VI.

VERUMTAMEN in tanta ciborum paritate, nunquam ab elaboratione cessavit: sed accepta securi solitarium sylvae penetrabat recessum, ibidemque tamdiu in opere persistebat, quoad nimio labore fractus, humi laberetur. Accidit autem, ut die quodam sic instar mortui iaceret, cumque, dubio procul, ab omni humano solatio destitutus, extremum spiritum edidisset; cum ecce subito iuvenis eximio praefulgens candore, qui eum vehiculo impositum, ad cellam perduxit, ac protinus evanuit; cum vero Andreas, ut collectis viribus cognovit benigna Dei misericordia tanto periculo se esse liberatum, exultare, & gratias agere cepit, Benedictum suum discipulum, ne ante diem obitus sui rem admirabilem promulgaret, iuramento obstrinxit. *R.* Verbera carnificum.

Lectio VII.

CUM iam extremus immineret vitae dies, tum Andreas, illis, qui eum circumstant, praecipit, ne quid vestimentorum, quibus operiebatur, auterent, usque dum Abbas ipse Philippus, qui accersitus expectabatur, adesset. Abbas autem eo defuncto adveniens, ut primum sacrum corpus de more lavandum attigit, catenam aeneam ipsis visceribus penitus inhaerentem invenit. Prorsus quidem hoc martyrij genus occultum mansisset, nisi ad umbilicum ligati nodus apparuisset metalli. Soluta vero catena

dum ex corpore trahébatur, costarum
fonus elisurum, omnium aures cum hor-
rore replebat. R. Tanquam aurum.

Lectio VIII.

Andrea, in huiusmodi sanctis exer-
citijs defuncto, Benedictus eius di-
scipulus genere itidem Polonus, succes-
sit: magistrique mores, & vitam imita-
tus, triennio supervixit. A latronibus
denique spe inveniendæ pecuniæ truci-
datus, & in flumen proximum Vagum
nómine proiectus est. Vbi corpus eius
demersum, anno toto sub aquis delituit:
tandem aquilæ, locum quotidie obser-
vantis, indicio inventum est integrum,
& incorruptum: in temploque sancti
Emmerami corporei sui magistri apposi-
tum est. R. Certamen magnum.

In tertio Nocturno.

Homilia in Evangelium. Descendens Ie-
sus de monte, de Communi Martyrum.

In secundis Vesp. comm. S. Alexij.

*S. Hyacinthi Confessoris festum celebratur in
Polonia Dominica proxima post festum as-
sumpt. B. M. V. sub ritu duplici ex indul-
to Sedis Apostolicæ.*

Extra Poloniam. xvi. Augusti.

Omnia prout in Breviario die ut supra.

In festo Translationis.

S. CASIMIRI.

*Dominica prima post Octavam Assumptionis
B. M. V. sub ritu duplici, ex indulto Inno-
centij x. Pontif. Maximi. Omnia dicun-
tur ut in eius Festo iv. Martij. præter ora-
tionem & lectionem quæ sequitur.*

ORATIO.

Deus, qui Beatum Casimirum de mun-
di & carnis victória triumphantem
à terréno ad cæléste Regnum transtulisti;
da quæsumus, ut qui eius hódie memó-
riam Translationis agimus, eiúsdem sem-

per in adversitatibus experiámur suffra-
gia. Per Dóminum nostrum.

In secundo Nocturno.

Lectioni octava hac apponi debent.

In cuius honórem plúribus etiam per
Ioánnem Casimirum Regem gratijs
in regni tutelam advérsus infidéles re-
céptis, pietáte primúm Sigismundi ter-
tij Vilnæ régis extructo, & à Vladislao
IV. pari munificéntia absoluto facello,
& illuc corpore honorificentissimè trans-
lato: eiúsmodi Translationis memória
hodie ipso Ioánni Casimiro de hoc Sedi
Apostolicæ supplicante anniversaria ce-
lebritate cõlatur. Et quoad diem cele-
brandi festum, & Officium sub ritu Dú-
plici per totum Regnum Poloniæ illum
transféri in Dominicá primá post Octa-
vam Festi Assumptiõis Beátæ Mariæ
Virginis, Innocentius x. indulsit.

DIE XXVII. SEPTEMBRIS.

Translatio Sancti Stanislai Duplex.

*Omnia ut in ipso die festo S. Stanislai in
Maio exceptis Lectionibus in primo Noct.
leguntur de comm. unius Mart. nisi occurrant
dicenda de Dominica præcedenti.*

In secundo Nocturno.

Lectio V.

Ecce enim Stanisláus computátus
est inter filios Dei, & inter san-
ctos fors illius est. Honorifi-
cavit eum Pater æternus, qui in
cælis est: centuplum accépit in hac vi-
ta, & vitam æternam possédit. Nam
qui vivus cæcis viam demonstrabat,
mórtuus cæcos illúminat: qui vivus u-
num solúm mórtuum, magna nòstri or-
bis admiratióne, à mortuis excitavit;
mórtuus plures de sorte mortis sustulit:
qui vivus ferro Bolesláii cessit, mórtuus
uni-

universos exercitus. atque acies integras, piõrum regum patronus & adiutor, gentisq; suæ amator, fugat. Itaque cum locus ille, ubi depositus fuit, pòpuli frequentiam, quæ illuc opis causa confugièbat, continere non posset, Lambertus huius nominis tertius, succëssor eius, & Princeps Vladislaus, divinis visionibus admòniti, ossa Sancti, odorem suavissimum spirantia, sanctè ac reverenter in primum templum Cracoviense, sancti Vencëssai tum dictum, transferunt. Sic suo altari Pòntifex, Cathedræ Doctõr, templo Episcopus, pòpulo pastor, post decennium restituitur. *R.* Lux perpetua.

Lectio VI.

Post centum tandem & septuaginta annos, excitat Dòminus spiritum Prandòtæ Episcopi Cracoviensis, viri Sancti, Boleslài item Ducis, cum sua còniuge Kinga, femina castissima. Qui miraculis Sancti Episcopi collèctis, & fide publica, tanquàm igni probatis, legatos ad Innocentium Quartum Summum Pontificem mittunt: atque ut tantum virum in númerum Sanctorum referre velit, diligenter precantur. Fit consultatio Assilij, ubi tum fortè erat summus Pontifex. Inter alios tum unus adversabatur causæ divi Stanislai Reinholdus Cardinalis Ostiënsis, vir primæ auctoritatis, incidit hic in gravem & letalem morbum: cui in somnis apparet divus Stanislaus, indignè illum facere docens, qui Dei resistit voluntati: excitatur senex, Divo se commendat, convalescit, causam antea oppugnata tuetur. Fit summus consensus omnium: Episcopus Sanctus inter Martyres refertur. *R.* In servis suis.

Lectio VII.

Contigerat, Deo ita ordinante, inter ipsam rem sacram, ut mortuus a-

dolèscens à matre in illud templum divi Francisci dictum deducèretur. Pontifex Deum supplex precatur, ut novo miraculo factum suum confirmet: erigit se subito adolescens: fit ingens lætitia omnium. Summus Pòntifex pro suggèstu grátias Deo agit: Martyrem luculentissima oratione celebrat: diem viij. Idus Maij memoriam eius solemnem assignat. *R.* Filia Ierúsalem,

Lectio VIII.

Redeunt legati cum ingenti lætitia, annuntiantes, quanta Deus fecit cum Martyre suo. Prædota Episcopus ossa Sancti ex pulvere terræ sublevar, eaque pro more solito in altari condit, Boleslao Rege Pudico, ac Regina pudicissima cæterisque Episcopis ac Ducibus regni & vicinarum Provinciarum assistentibus. Et factum est in illa die gaudium magnum: benedixitq; Dòminus novissimis Stanislai, magis quàm principio eius. *R.* Lætabitur iustus.

In tertio Nocturno.

Lectio Sancti Evangelij secundum Ioannem.

Lectio IX. Cap. 10. b.

In illo tempore: Dixit Iesus Phariseis: Ego sum pastor bonus. Bonus pastor animam suam dat pro ovibus suis. Et reliqua.

Homilia Sancti Basilij Episcopi.

Quomodo cum magna dicit: Ego manu mea firmavi terram, ego produxi cælos solus: quomodo cum alia dicit, quæ digna sunt dici de Deo, sic dicit: Ego sum pastor bonus. Arcet degeneres, & veritatem sibi ipsi vendicat: Ego sum pastor ille bonus. Disce quis sit pastor, & quis sit bonus ille. Ipse hoc interpretatur: Bonus pastor animam suam ponit pro ovibus suis: mercenarius vero,

ro, & qui non est pastor, cuius non sunt oves propriæ, illi nihil est curæ, quando lupum venientem videt. Hic quærit Ecclesia: Si Dominus pastor est, quis fit mercenarius pastor? Num diabolus? Et si diabolus mercenarius pastor est, quis fit lupus. At lupus diabolus est, bestia immanis, rapax, insidiosa communis omnium hostis. Habeat itaque propriam appellationem mercenarius pastor. *R.* Ego sum vitis vera.

Lectio X.

Tunc quidem mercenarios pastores Dominus vocavit, ad eos conversus, qui tunc erant: sunt vero & nunc (quod minimè vellem) qui, non ut pro sint ovibus, pastores agunt: quibus propriè mercenariorum appellatio convenit. Tunc Principes sacerdotum notabantur & Pharisei, & tota illa secta Iudæica: illos dixit mercenarios esse pastores, qui non veritatis, sed quaestus sui gratia pasceendi potestatem usurpant: qui vano prætectu precationibus instabant, ut panem comederent viduarum & orphanorum. Mercenarii sunt, qui proprium compendium curant. Qui præsencia festantes, ad futura non aspiciunt, mercearii sunt non pastores.

Lectio XI.

Et cognosco oves meas, & cognoscunt me meæ. Quid vocat cognoscere? Oves meæ inquit, vocem meam audiunt. Ecce quomodo cognoscatur Deus, ex eo, quod præcepta illius, audimus: ex eo, quod illa audientes opere adimplemus. Hæc demum est cognitio Dei, observantia videlicet præceptorum Dei, non inanis illa curiositas, non essentia Dei, & supramundanorum investigatio, non rerum invibilium consideratio. Satis tibi sit, scire pastorem esse bonum, animam suam posuisse pro ovibus. Quan-

tus verò sit Deus, & quæ illius mensura & qualis essentia; talia sciscitanti sunt periculosa, ei autem qui rogatur perplexa: & talium medicina est silentium. *R.* O venerandam.

Lectio XII.

Qui vero nostram hanc panegyricum congregavit, nos custodiat indemnes, illæsos, & à lupi rapacitate securos, ecclesiam hanc immortam, ac magnis Martyrum turribus munitam, conservet: omnes furentium hæreticorum, insidias & incursum, in tranquillitate ac silentio avertat: nobis verò donet, ut divina oracula discamus & doceamus, subministrata à Spiritu Sancto gratia: cui cum Patre & Filio sit gloria & imperium, nunc & semper & in sæcula sæculorum, Amen. *R.* Pastor cadit. *Evangelium & Oratio ut supra in die Festi.*
Vesp: à Capitulo de sequenti.

DIE XVIII. SEPTEMBRIS.

In festo S. Venceslai Martyris.

Duplex.

Omnia dicuntur prout in Translatione ejusdem die v. Martij.

DIE X. OCTOBRIS.

Officium Gratiarum actionis pro

Victoria ex Turcis.

Anno MDC. XXI. eodem die obtenta. Duplex.

Ad Vesperas Antiphona.

Cantemus Domino. cum reliquis de Laudibus. Psal. Dixit Dominus: cum reliquis de Dominica.

Capitulum. 2. Cor. 1.

Benedictus Deus & Pater Domini nostri Iesu Christi, Pater misericordiarum, & Deus totius consolationis, qui

qui consolatur nos in omni tribulatione nostra. *Rz. br.* Adorabant Sancti * Viventem in sæcula. Adorabant. *Ÿ.* Et mittebant coronas suas ante thronum Dei. Viventem. Gloria Patri. Adorabant.

Hymnus.

Superne regum Rex bone
Fons pacis & victoriæ.
Deus Pater sperantium
Vkor superbientium
Ad iussu cuius turgidæ
Maris procellæ subsident
Iras leones exuunt.
Sol stat stupens, nec se movens
Quo fulgurante desuper
Gentes feroces expavent.
Hostes tremunt mali fremunt
Bonî triumphant gaudio
Tu barbaros Osmanicos
Apros fugas è vinea
Poloniæ Regnum tuæ
A clade dira vindicans.
Ergo tuo celsissimo
Sit nòmini laus, gloria,
Qui trinus ac unus Deus
Per sæcla vivis omnia.
Ÿ. Sancti per fidem fortes facti sunt
in bello.
Rz. Castra vertèrunt exteròrum.

Ad Magnificat Antiphona.

Benedictus Dòminus Deus noster, qui docet manus nostras ad prælium, & digitos nostros ad bellum.

O R A T I O.

Deus, qui in summis Regni nostri periculis antiqua brachij tui miracula renovasti; suscipe gratiarum actiones exultantium populòrum: & quibus tanti gaudij causam præstitisti, perpétuæ fructum concède lætitiæ. Per Dominum nostrum.

Ad Matutinum Invitator:

Regem qui redimit de interitu vitam.
* Venite adorémus. *Psalmus.* Venite exultémus. *Hymn.* Superne regum. ut in *Vesp.*

In primo Nocturno Antiphona.

Fortitudo mea & laus mea Dòminus, & factus est mihi in salutem. *Psalmus.* Domine Dominus noster. cum reliquis ut in *Festo SS. Trinitatis.*

Antiphona. Dignus es Dòmine accipere glóriam, honòrem, & virtutem. *Psalm.* Cæli enarrant. *Antiph.* Tua est, Dòmine, magnificentia, & potentia, & glória, atq; victória. *Psalm.* Domini est terra. *Antiphona.* Dòminus virtutem populo suo dabit, Dòminus benedicet populo suo in pace. *Psalm.* Afferte Domino. *Antiph.* Ecce oculi Dòmini super timentes eum, & in eis qui sperant super misericordia eius. *Psalm.* Exultate iusti in Domino. *Antiph.* Dòminus virtutum nobiscum, susceptor noster Deus Iacob. *Psalm.* Deus noster refugium & virtus.

Ÿ. Benedic anima mea Domino.
Rz. Et omnia quæ intra me sunt, nòmini sancto eius.

De libro secundo Machabeorum.

Lectio I. cap. 15.

ET Nicànor quidem cum summa superbia erectus, cogitaverat còmunè trophæum statùere de Iuda. Machabæus autem semper confidebat cum omni spe auxilium sibi à Deo affuturum: & hortabatur suos, ne formidarent ad adventum nationum, sed in mente habèrent adiutoria sibi facta de cælo, & nunc sperarent ab Omnipotente sibi affuturam victóriam. Et allocutus eos de lege & Prophetis, admonens etiam certamina quæ fecerant priùs, promptiores constituit eos? & ita

& ita animis eorum erectis, simul ostendebat Gentium fallaciam, & iuramentorum pravaricationem. Singulos autem illorum armavit non clypei & hastæ munitiōe, sed sermonibus optimis & exhortationibus. Exhortati itaque Iudas sermonibus bonis valde, de quibus extolli posset impetus, & animi iuvenum confortari, statuerunt dimicare & configere fortiter, ut virtus de negotijs iudicaret. *R.* Facile est concludi multos in manu paucorum, & non est differentia in conspectu Dei cæli. * Liberare in multis, & in paucis.
Y. Non in multitudine exercitus victoria belli, sed de cælo fortitudo est. Liberare.

Lectio II.

ET, cum iam omnes sperarent iudicium futurum, hostesque adessent, atque exercitus esset ordinatus, bestiarum, equitumque opportuno in loco compoſiti, considerans Machabæus adventum multitudinis, & apparatus varium armorum, & ferocitatem bestiarum, extendens manus, in cælum prodigia facientem Dominum invocavit, qui non secundum armorum potentiam, sed prout ipsi placet, dat dignis victoriam. Dixit autem invocans hoc modo: Tu Domine, qui misisti Angelum tuum sub Ezechia Rege Iuda, & interfecisti de castris Sennacherib centum octoginta quinque millia: & nunc dominator cælorum, mitte Angelum tuum bonum ante nos in timore & tremore magnitudinis brachij tui, ut metuant, qui cum blasphemia veniunt adversus sanctum populum tuum.
R. Quis similis tui in fortibus Domine, quis similis tui? Magnificus in sanctitate: * Terribilis, atque laudabilis, & faciens mirabilia. *Y.* Dux fuisti in misericordia populo, quem redemisti Terribilis.

Lectio III.

Nicanor autem, & qui cum eo erant, cum tubis & canticis admovebant: Iudas verò, & qui cum ipso erant, invocato Deo, per orationes congressi sunt: manu quidem pugnantes, sed Dominum cordibus orantes, prostraverunt non minus triginta quinque millia, presentia Dei magnifice delectati. *R.* Procidébant viginti quatuor Seniores ante sedentem in throno, & adorabant viventem in sæcula sæculorum: * Et mittebant coronas suas ante thronum.
Y. Dignus es Domine. Deus noster accipere gloriam, honorem, & virtutem. Et mittebant.

Lectio IV.

Cumque cessassent, & cum gaudio redirent, cognoverunt Nicanorem ruisse cum armis suis. Facto itaque clamore & perturbatione excitata, patria voce omnipotentem Dominum benedicebant. Itaque omnes communi consilio decreverunt nullo modo diem istum absque celebritate præterire.
R. Gloria Patri, genitricique Proli, & tibi compar utriusque semper Spiritus alme, Deus unus. * Omni tempore sæcli.
Y. Da gaudiorum præmia, da gratiarum munera, dissolve litis vincula, astringe pacis fœdera. Omni. Gloria Patri. Omni.

In secundo Nocturno Antiphona.

Adonai Domine, magnus es tu, & præclarus in virtute tua, & quem superare nemo potest. *Psalm.* Omnes Gentes, *Antiph.* Non in multitudine exercitus victoria belli, sed de cælo fortitudo est. *Psalm.* Magnus Dominus. *Antiph.* Vir obediens loquatur victoriam, vir impius procaciter obfirmat vultum suum. *Psalm.* Deus iudicium tuum. *Antiph.* Edificavit Moyses altare, & vocavit nomen

men eius, Dóminus exaltatio mea. *Psal.*
Cantate Dómino canticum novum: *
cantate, *antiph.* Dóminus cónterens bella,
Dóminus nomen est illi. *Psal.* Dómi-
nus regnavit. *antiph.* Dóminum formi-
dabunt adversarij eius, & super ipsos in
cælis tonabit. *Psal.* Cantate Dómino
canticum novum: quia.

Ÿ. Iste Deus meus & glorificabo eum.
R. Deus Patris mei & exaltabo eum.

Lectio V.

Sigismundo Terrio Rege, Osmanus
Turcarum tyrannus immensis ex
Európa, Asia, Africa contractis copijs,
Tartárorum etiam Principe, qui longe
maiorem iusto ducebat exercitum, in
belli societatem accito, Reipublicæ Chri-
stianæ vastitatem atq; excidium minitās
in Polóniam movit. Tanti adventan-
tis hostis fama minimè consternatus Si-
gismúndus, cum sciret non in multitu-
dine exercitus victóriam, sed de cælo
esse fortitudinem ope divina suppliciter
implorata, Dei genitrice, Regniq; Patrô-
nis conciliatis, fortiter constanterq; bel-
lum suscepit.

R. Tu venis ad me cum gladio & ha-
sta, & clypeo: * Ego autem venio ad
te in nomine Dómini exercituum.

Ÿ. Dabit re Dóminus in manu mea, &
percútiā te, & auferam caput tuum.
Ego autem venio.

Lectio VI.

Premissus ad fines Poloniæ non ma-
ximo número exercitus, qui hostē
sustinēret, dum Sigismúndus omnem
Regni nobilitatem trahens adveniret.
Castra in hostili ditione ad Chócimum
pósita, ut bellum potius inferre, quam
illatum repellere Poloni viderentur.

R. Persequēbātur unus mille: * Et duo
fugabant decem millia. Ÿ. Nonne ideo
quia Deus suus vendidit eos, & Dómi-
nus conclūsit illos. Et duo.

Lectio VII.

DEcies, & quidem comite semper vi-
ctória, acie pugnatum: tóties à
castrorum oppugnatione ingenti cum
clade reiectus hostis, tóties erupere no-
stri feliciter, Turcarum stiones próspe-
rè tóties incurlavère, ut Dóminum ex-
ercituum à nobis stare apertissimè pa-
tēret. R. Dextera tua Dómine magni-
ficata est in fortitudine: * Dextera tua
Dómine percússit inimicum. Ÿ. In
multitudine glóriæ tuæ deposuisti ad-
versarios tuos. Dextera tua.

Lectio VIII.

FRacta tandem tot cládibus inflctis
Osmani contumácia: cum se fru-
stra adversus Deum pugnare intellexis-
set, ad ipsos Polóniæ fines eodem in-
loco mensem integrum, eodq; ampliùs
hæssisset inglorius, sexaginta milium mil-
lia cæsa desideraret, maiorem longè nú-
merum belli incommoda absumpissent,
stratos suorū cadaveribus undiq; cam-
pos cerneret, ipse iam Sigismúndus cum
Polóniæ flore maiōribus copijs immi-
nēret, qui bellum intulerat, pacem ex-
petijt, acceptisq; conditionibus sexto
Idus Octóbris prior castra movit, ex
appetita armis Polónia nihil omninò
præter ignominiam & dédecus reporta-
turus. Is dies, in tanti beneficij me-
móriam, ut Deo facer, festusq; Poloniæ
ac solémnis perpétuò in pòsterum fo-
ret, Sigismúndus ipse Rex, Regniq; An-
tistites à Gregório Quintodécimo impe-
travère: mox Vladislão, qui parenti suc-
cesserat, & in castris belli tempore fú-
erat, ut próprio ac peculiari officio ad
grátias agendas accommodato Horas ca-
nónicas eodem die Polónia persolveret,
Vrbānus Octavus indúlxit.

R. Honor, virtus, & potestas, & im-
périum sit Tripitati in unitate, unitati

in Trinitate. * In perenni sæculorum
tempore. *Ps.* Benedicat nos Deus, De-
us noster, benedicat nos Deus. In pe-
renni. Glória Patri. In perenni.

In tertio Nocturno Antiphona.

Dóminus quasi vir pugnator ómnipo-
tens nomen eius. *Canticum.* Cantemus
Domino. *ex feria quinta, quod dividatur
in tres Glorias.*

Ps. Benedic ánima mea Dómino.

R. Dómine Deus meus, magnificatus
es veheménter.

Homilia in Evangelium. Cum audieritis
prælia. *de communi plurimorum Martyr.*

R. *ix.* Réddidit Dóminus iustis mercé-
dem labórum suórum, & deduxit eos
in via mirabili * Et fuit illis in velamé-
to diei, & in luce stellárum per noctem.
Ps. Tránsiit illos per mare rubrum,
& transvexit eos per aquam nimiam,
Et fuit.

R. *x.* Iusti tulerunt spólia impiórum,
& decantavérunt Dómine nomen san-
ctum tuum. * Et vítricem manum
tuam laudavérunt pariter. *Ps.* Sapien-
tia apérui os mutórum, & linguas in-
fantium fecit disertas. Et vítricem.

R. *xj.* Benedicamus Patrem & Filium
cum sancto Spiritu. * Laudémus &
super exaltémus eum in sæcula. *Ps.* Be-
nedictus es Dómine in firmaméto cæ-
li, & laudabilis, & gloriósus in sæcu-
la. Laudémus.

R. *xij.* Te Deum Patrem ingénitum,
te Filium unigénitum, te Spiritum san-
ctum Paráclitum, Sanctá & individuam
Trinitátem toto corde & ore confite-
mur, laudámus atq; benedicimus: *
Tibi glória in sæcula. *Ps.* Quoniam
magnus es tu, & faciens mirabilia, tu
es Deus solus. Tibi gória in sæcula.
Gloria Patri.

Evangelium. Cum audieritis. *Oratio.* De-
us, qui in summis, &c.

A D L A U D E S.
& per Horas Antiphona.

CAntémus Dómino, glorióse enim
magnificatus est: equum & ascen-
sorem deiecit in mare. *Psalm* Domi-
nus regnavit. *cum reliquis 25. Antiphona.*
Dextera tua Dómine magnificata est in
fortitudine: dextera tua percussit ini-
micum. *Antiph.* Arcus fórtium supera-
tus est, & infirmi accincti sunt robore.
Antiphona. Iusti decantavérunt Dómine,
nomen sanctum tuum, & vítricem ma-
num tuam laudavérunt pariter. *Antiph.*
Ego autem in Dómino gaúdebo, & e-
xultabo in Deo Iesu meo.

Capitulum.

Benedictus Deus & Pater Dómini no-
stri Iesu Christi, Pater misericordia-
rum, & Deus totius cōsolatiōnis, qui cō-
solatur nos in omni tribulatione nostra.
R. *br.* Iusti decantavérunt Dómine. *
Nomen sanctum tuum. Iusti. *Ps.* Et
vítricem manum tuam laudavérunt pa-
riter. Nomen. Gloria Patri. Iusti.

Hymnus.

Rex magne, Rex altissime,
Virtutis è Throno tuæ
Æternitatem partiens,
Et regna mundi transferens;
Quam sunt inaccessæ tui
Profunditates consilij!
Vt est procul cælum solo,
Arcana sic procul tua,
Thrax en furoris ferrea
Qui virga divini fuit,
Nunc ipse pœnas acriter
Iussu tuo demens loquitur.
Sic corda, quando cæteris,
Cædem superbè dētonant,
Cæduntur, & casu suo
Dei timorem prædicant,
Patri Deo sit glória,
Eiusque soli Filio,

Cum

Cum Spiritu, qui perp̄ti:

Mundum regis custodia. Amen.

Ÿ. Non est similis tui in dijs Dómine.
R. Et non est secundum ópera tua.

Ad Benedíctus Antiphona.

Benedicimus Deum cæli, & coram ómnibus vivéntibus confitebimur ei, quia fecit nobiscum misericordiam suam.

O R A T I O.

DEus, qui in summis Regni nostri periculis antiqua bráchij tui miracula renovásti, suscipe gratiarum actiones exultantium populórum: & quibus tanti gaudij causam præstítisti, perpétuæ fructum concède lætitiæ. Per Dominum nostrum.

Ad Tertiã Ant. Dextera tua. *Capitulũ.* Benedíctus Deus, &c. *ut supra in Laud.*

Ÿ. Iusti decantavérunt Dómine nomen sanctum tuum. R. Et victricem manũ tuam laudavérunt p̄riter.

Ad Sextã Antiph. Arcus fortiũ. *Capitulũ.*

O Quàm bonus & suavis est Dómine, spiritus tuus in ómnibus! Ideoq; eos qui exerrant, p̄rtibus corripis; & de quibus peccant, ádmones, & allóqueris: ut relicta malitia, credant in te Dómine. Ÿ. Adorabãt sancti vivéntem in sæcula. R. Et mittebant coronas suas ante thronum Dei.

Ad Nonam Antiph. Ego autem. *Capitulum.*

TV autem dominator virtútis cum tráquila lilitate iudicas, & cum magna reverentia dispónis nos: subest enim tibi, cum volúeris posse. Ÿ. Dignus es, Dómine Deus noster. R. Accipere glóriam honórem, & virtutem.

In secundis Vesperis omnia ut in primis, excepta Antiphona ad Magnificat.

Dómine Rex omnipotens, in ditióne tua cuncta sunt posita, & non est qui possit resistere voluntati tuæ, si decreveris salvare Israël.

DIE XV. OCTOBRIS.

In Festo S. Hedwigis Viduæ Dupl.

Ad Vesperas Antiphona. Dum éffet Rex. *cum reliq. ut in communi nec Virg. nec Marti.*

O R A T I O.

DEus gratiæ dator & gloriæ, tuæ nobis propitius sinum pietatis áperi, & præsta, ut qui manéntem civitatem hic non habémus, ad futuram, quam quærimus, B. Hedwigis intervéniente suffragio perducamur. Per Dóminum.

Deinde fit comm. S. Calisti Papa & Marti Antiph. Qui vult venire. Ÿ. Iustus ut palma. *de com. unius Mart. Oratio.* Deus, qui nos conspicias.

In primo Nocturno Lectiones.

Mulierem fortem quis inveniet, de communi nec Virg. nec Mart.

Lectio V.

HEDWIGIS Bertholdi Marchiõnis Moraviæ Cómitis Tirolénis & Agnētis filia, sanctæ Elisabethæ matértera, duodécimo anno Henrico Longobardo Principi Polóniæ & Boémæ in matrimoniu data; illud semper honorabile & immaculatum custodivit, nullum ieiunium, aut diem festum iudicans, quem castitatis mérito non condidisset. Nihilominus in summa castitatē & continéntia, facta est sicut vitis abúndans in lateribus domus suæ, & filij eius sicut novellæ in circuitu mensæ. Filios enim tres, totidemq; filias viro suo proutulit. Ex quibus Henricus fôrta pro religióne Christiana aggr. ssus, & tanquam alter Iudas Machabæus, castra Dei cõtra Tartaros protegens, martyrij palmam promeruit. Filia Gertrúdis virgo perpetua permansit. Fructu matrimonij Hedwigis quæsito, redditusq; novæ alium fructibus, feriari ab ópere connubiali incipit; eadem marito persuadet. Fit spirituális desponsatio in manu Pontificis, vivitur inter

inter sponſos Angélica vita per annos viginti octo, non coram hominibus tantum, ſed etiam coram Deo. R. Propter veritatem.

LECTIO VI.

Parat deinde Hedwigis ſedem futuræ caſtitati; ampliffimum Trebnicénſe monaſtéríum extruit, filiam Gertrúdem prius illuc præmittit; magnos greges virginum ſanctarum collegit: ipſa demum conſequitur. In oratione diurna atque nocturna, nudis, etiam média hieme, pedibus aſſidua: in iejunijs multis per totos quadraginta annos perſeveravit: ita ut die Dominico, tertia & quinta Ferla piſcibus & lactarijs tantum Sabbatho & Feria ſecunda aridis leguminibus, quarto & ſexto die aqua & pane ſolo dumtaxat veſceretur. Pedes pauperum, quos tredecim ſemper ubique ſecum circumduxit, lavit: ulcera eorum ligavit, captivos redemit, ſubditos oppreſſos tutata eſt. Irata à nẽmine unquam viſa eſt, contenta ea obiurgatione, Deus tibi parcat. R. Dilexiſti iuſtitiam.

LECTIO VII.

Non caruit diva Hedwigis miraculorum ac prophetiæ ſpiritu & gratia: nam & duabus ſanctimonialibus viſum reſtituit: & duos recentes ſuſpenſos, magna omnium admiratione, ad vitam revocavit. Mortis item mariti ſui tempus & rationem longè antè prædixit: & filij eodem modo: cuius eadem eo ipſo quo caſus eſt die in remotiſſimis partibus cognovit: & ipſa diem obitus multò prius præſenſit & prædixit. R. Fallax gratia.

LECTIO VIII.

Itaq; priuſquam morbo gravi correpta fuiſſet, ſacram unctionem accēpit. Sanctimoniales ſe agram ſine permiſſione ſuperiorum inviſcentes pēpolit; nihil ſanctum eſſe docens, quod cum obedi-

entia maiorum ſuſceptum non eſſet. Priuſquam moreretur, magna hilaritate Sanctos cum ſplendida luce ad ſe venientes ſalutavit. Mortua eſt die S. Marthæ hora veſpertina, qua iejunia ſua pane ſolo reſcicere ſolēbar, anno ſalutis humanæ milleſimo ducentefimo quadrageſimo tertio. Ac poſt multis editis miraculis in númerum Sanctorum à Clemente Quarto relata eſt. In cuius Canonizatione mulier cæca viſui reſtituta eſt. R. Quam pulchra es.

In tertio Nocturno Homilia in Evangelium. Simile eſt regnum cælorum theſauro. ut in communi nec Virg. nec Mart. In ſecundis Veſperis commemor. S. Galli Abbatis.

DIE XX. OCTOBRIS.

Translatio S. Adalberti Dupl. Omnia de communi unius Martyris, præter Lectiones ſecundæ Nocturni quæ leguntur ut in feſto 23. April. Adalbertus Epicoſopus Pragenſis. R. R. xj. & xij. Antiphona ad Magnificat & Benedictus propria ſine alleluia. Veſpera a Capitulo de ſequenti Feſto cum commemoratione præcedentis & S. Hilarionis Abbatis.

DIE XXI. OCTOBRIS.

In Feſto S. Urfulæ & Sociarum eius. Duplex.

Omnia de communi virginum. præter ea quæ ſequuntur. In Veſperis & Laudibus Antiph. Prudentes Virgines aptate veſtras lâpades: ecce Sponſus venit, exite obviam ei. V. Adducuntur Regi Virgines poſt eam. R. Proximæ eius afferentur tibi.

O R A T I O.

DA nobis, quaſumus Dómine Deus noſter, ſanctarum Virginũ & Martyrum tuarum, Urfulæ & Sociarum eius, palmas incefſabili devotiõne venerari: ut quas digna mente non poſſumus celebrare, humilibus ſaltem frequentemus obſequijs. Per Dóminum.

Ad Matutinum Hymnus.

Virginis Proles Opifexque Matris,
Virgo quem gessit peperitq; Virgo,
Virginum festum cānimus trophæum

Accipe votum.

Hæc cohors palmæ dūplicitis beāta
Sorte, dum gessit fragilem domāre.

Cōrporis sexum dōmuit cruentum

Cōrpore scēlūm.

Vnde nec mortem, nec amica mortis

Sæva pœnarum gênera pavescens,

Sāguine effūso mēruit serenum

Scāndere cælum.

Cuius ergo nos prēcibus cōhortis

Expia à pœnis scēlerym, Redemptor

Vt tibi puro resonemus altum

Pectoris hymnum.

Gloria Patri; genitæq; Proli

Et tibi compar utriusq; virtus

Spiritus semper Deus unus omni

Tēpore sæcli. Amē.

Lectio V.

VRsula, sanctitate, sapientia, & pulchritudine insignis; filia unica Regis Britanniae Christianissimi fuit. Quam cum Rex Angliæ gentilis idemque potentissimus, filio suo, missis eo sollemnibus nūtijs, Vxorē expeteret; ipsa divinitus pramonita, persuasit Patri, ut consentiret ea conditione ut Rex ille & Pater decem primæ ætatis virgines, & forma & genere lectissimas perquirerent, & tam sibi, quàm singulis earum, mille alias virgines honestissimas consociaret. comparatisq; ad nūmerum ipsarum undecim trirēnnibus indūcias triēnij sibi darent ad dedicationem virginittatis suæ; ipse verò iūvenis sacro renovatus lavacro, in fide Christi interim instrueretur. R. Propter veritatem.

Lectio VI.

EX hoc conducto, Virginibus, trirēnibus, viris pro comitatu & sumptibus præter spem celenus comparatis,

per triēnnium belli præludia, multis undiq; ad spectāculum confluētib; ab ipsis celebrata sunt. Tandem cum Vrsula omnes Virgines socias suas, ad Christum convēsas, tam verbis, quàm exemplis, ad castitatis propōsitum erudisset, sub unius diei noctisq; spatio vento prospere ad portum Galliæ Tila, & inde Coloniā delatae sunt: & ex eo loco Angelica visione instructæ, Basilicam applicuerunt, religatisq; ibi trirēnibus, pedestri itinere Romam venientes, magno applausu Cleri & pōpuli exceptæ sunt. R. Dilexisti iustitiam. *Lectio VII.*

VBi cum per aliquot dies perlustratis diversis Sanctōrū liminibus, pervigiles in oratione, Deo animas suas commendassent; peractis votis, itinere quo venerant, Coloniā sunt reversæ, ab Hunnis iam undiq; obsessam. Qui totam illam sanctam multitudinem, cui etiam sponsus Eleuthērius se iūxerat, immāniter trucidarunt; Coloniā sanguine & sepultura eōrum clariōre reddentes. R. Afferentur. *Lectio VIII.*

Post omnes verò candidissimi exercitus Regina, dum Principi Hunnōrū in matrimonium consentire noller, ictu sagittæ transverberata, super nobilem comitum suarum acervum, velut cæleste margaritū corruit. R. Prudētes virgines.

In tertio Nocturno Homilia in Evangel. de decem Virginibus.

DIE XII. NOVEMBRIS.

In Festo SS. Benedicti, Ioannis, Matthæi, Isaaci, atq; Christini, quinque fratrum Martyr. Duplex.

Ad Vesperas Antiphona. Omnes Sancti. cum reliquis Antiph. & Psalmi de Communi plurimorum Martyrum.

ORATIO.

Sanctōrum nos, quæsumus Dōmine Martyrum tuōrum, Benedicti, Ioannis, Matthæi, Isaaci, atq; Christini gloriosa

riosa hodierna die trophæa lætificent, quatenus eorum interventione, ad illam perveniāmus hereditatem, in qua iidem felices Angelorum cœtibus aggregati, tuæ semper Maiestatis perfruuntur ineffabili claritate. Per Dominum nostrum.

In primo Noct. Lectioes de script. curr.

In secundo Nocturno Lectio V.

Benedictus, Ioannes, Matthæus, Isaac, & Christinus fratres e. remitæ Poloni, post Episcopi Adalberti, cuius erant peregrinationis cômities, necem, à Prussis multis contumelijs divexati, & Prussiarum finibus eiecti, in maiorem Poloniam redierunt. Et quod expe titius humana contemnerent & cœlestia spectarent, in vastam solitudinem apud Kasimiriā se recepērunt: ibique casis, quæ singulos caperent, stramento ædificatis, non extraneorum tantum, sed mutuam etiam consuetudinem fugiebant. Mirum Dei viris inerat abstinentiæ studium, cum aliqui eorum, semel duntaxat, alij, qui paulo tenuioris erant valitudinis, bis in hebdomada olèribus & aqua, pane nonnunquam adhibito, se reficerent. De qua austeritate victus, toto vitæ suæ tempore præterquam die sacratissimo Paschæ, quoad vixerunt, nihil remittebant; vestibus, quas è fetis, equorum sibi confecerant, contenti. Quies non stratis mollioribus accersita, sed si quid dandum fuerat fessis corporibus, humi iacentes, lapidem capitibus subiciebant. *R. Sancti tui.*

Lectio VI.

Tanta autem erat sanctitatis eorum fama, ut Boleslaus Chabrus pius & sanctus, isque primus Polonorum Rex, præsens eos accederet eorum orationibus, se & suum regnum commendaret, grandi; pecunia oblata, liberaliter & regiæ sanctos donaret. Sed beati viri post aurum non abeuntes, nec ullam in pecu-

niam thesauris reponentes spem, ut qui pro Christi nomine renuntiassent omnibus, è vestigio argentum regi, ut referat Barnabas, unus ex socijs, constituunt. Quod dum fit, ecce grassatores, qui cognoverant munificè à rege donatos, prima noctis vigilia adsunt: sanctos fratres in Dei laudibus opprimunt; extracas protrahunt: gladios intendant. Ferenda vobis quamcumque imposuerimus fortuna est; nisi quidquid ubicumque locorum argenti reconditum est, nostrum illico fuerit, minitantur. Quare aut pecuniam ultro exponite, vel si moramini, vitam cum sanguine profundite. Sancti multis obtestationibus, regi esse reportatam, confirmant; quin etiam turguola ut excutiantur, potestatem dant. *R. Verbera carnificum.*

Lectio VII.

Sæva auri cupiditas, ubi nihil minus extorquet, reliquum spei tollendæ pecuniæ in verberibus & supplicijs reponit. Deligantur fratres sancti ad palum, ignibus ad latera admotis exuruntur: deinde circa rotarum vertiginem, adstricti diutissime verberantur: tota nox in crudelissima paupertatis sanctorum, & innocentiarum supplicia expenditur. Denique cum omnes iam artes potiendi argenti tentatæ essent, nec successisset; ne quid inausum de concepta crudelitate relinqueretur ab iisdem latronibus anno salutis humanæ, millésimo quinto, pridie Idus Novembris, in Dei laudibus constantissime permanentes trucidantur. *R. Tanquam aurum.*

Lectio VIII.

Boleslaus nece Sanctorum innocentib; cognita, eadem gratiam, quam præbuerat vivis, servavit & mortuis: qui beatorum fratrum corpora honorificentissima sepultura Kasimiriæ in maiori Polonia condidit. Barnabas superstes in eremum

eremum reversus, vitæ fratrum suorum æmulus, assiduis orationibus, vigilijs, ieiunijsq; addictus, paulo post sancto fine quievit: & ipse pij Regis mandato ad fratres suos appositus, ut quibus in cælesti patria esset coniunctus, in terris eodem tumulo cum eis conditus quiesceret. *R.* Certamen magnum.

In tertio Nocturno.

Lectio Sancti Evangelij secundum Lucam. Lectio IX.

IN illo tempore: Dixit Iesus discipulis suis: Attendite à fermento Pharisæorum, quod est hypocrisis. Et reliqua. Homilia Venerabilis Bedæ Presbyteri.

Lib. 4. in Lucam. cap. 52.

DE hoc fermento Apostolus præcipit: Ita q; epulæmur, non in fermento veteri neque in fermento malitiæ & nequitæ, sed in azymis sinceritatis & veritatis. Nam sicut modicum fermentum totam farinæ, cui inijcitur, massam corrumpit, universamq; mox conspersio. nem suo sapore commaculat: sic nimium simulatio, cuius semel animum imbuerit, tota virtutum sinceritate & veritate fraudabit. Est ergo sensus: Attendite ne æmulæmini simulatores, quia veniet profecto tempus, in quo & vestra virtus omnibus, & eorum reveletur hypocrisis. *R.* Propter testamentum,

Lectio X.

Verbum quod sequitur: Quoniam quæ in tenebris dixistis in lumine dicentur: non solum in futuro, quando cuncta cordium abscondita proferentur ad lucem, sed & in præsentis tempore potest congruenter accipi: quoniam quæ inter tenebras quondam pressurarum carcerumq; umbras vel locuti vel passi sunt Apostoli, nunc clarificata per orbem Ecclesia, letis eorum actibus publice prædicantur. *R.* Hæc est vera fraternitas.

Lectio XI.

NE terreâmini ab his qui occidunt corpus. Si persecutores Sanctorum, occisis corporibus non habent amplius quid contra illos agant; ergo supervacua sunt insania, qui mortua Martyrum membra feris avibusq; discerpenda proijciunt: cum nequaquam omnipotentia Dei, quin ea resuscitando vivificet, obistere possint. *R.* Corpora sanctorum.

Lectio XII.

Dvo autem sunt genera persecutorum: unum palam sæviendum, alterum fide fraudulenterq; blandientium. Contra utrumque nos munire atq; instituere volens Salvator, & supra ab hypocrisi Pharisæorum attendere, & hic à carnificum cæde præcipit non timere: quia videlicet post mortem nec horum crudelitas, nec illorum valeat simulatio durare. Nonne quinque pæseres veniunt dipondio? Si minutissima, inquit, animalia, & quæ quolibet per aëra feruntur volatilia, Deus oblivisci non potest; vos qui ad imaginem facti estis Creatoris, non debetis terri ab his, qui occidunt corpus: quia qui irrationabilia animalia gubernat, rationabilia curare non desinit. *R.* Iustorum animæ.

Sequentia Sancti Evangelij secundum Lucam. Cap. 12.

IN illo tempore: Dixit Iesus discipulis suis: Attendite à fermento Pharisæorum, quod est hypocrisis. Nihil autem opertum est, quod non reveletur neq; absconditum, quod non sciatur. Quoniam quæ in tenebris dixistis, in lumine dicentur: & quod in aures locuti estis in cubiculis, prædicabitur in tectis. Dico autem vobis amicis meis: Ne terreâmini ab his, qui occidunt corpus, & post hæc non habent amplius quid faciant. Ostendam autem vobis quem timeatis; timeate eum qui postquam occiderit corpus, habet potestatem mittere

in ge-

in géhennam. Itaq; dico vobis, hunc timéte. Nonne quinque passeris véneunt dipóndio, & unus ex illis non est in obliuione coram Deo: Sed & capilli cápitis vestri omnes numerati sunt. Nolite ergo timére: multis passeribus pluris estis vos. Dico autem vobis: Omnis, quicunq; conféssus fuerit me coram hominibus, & Filius hominis confitébitur illum coram Angelis Dei.

Oratio. Sanctorum nos, quæsumus. *Vespera de Omnibus Sanctis Monachis cum Commemor. Sanctorum Martyrum.*

DIE XIX. NOVEMBRIS.
In Festo Sanctæ Elisabeth Viduæ Duplex.

Omnia de Communi nec Virgínû nec Martyrum, exceptis his quæ habentur propria.

O R A T I O.

TVôrum corda fidélium, Deus miserátor illútra; & Beatæ Elisabeth précibus gloriósis, fac nos prospera mundi despiceré, & cælesti semper consolatione gaudere. Per Dominû nostrum.

Commemoratio S. Pontiani Papæ & Mart. Antoph. Ille factus. *Ps.* Gloria & honóre.

Oratio. Infirmitatē. *de comm. unius Mart.*

In secundo Nocturno.

Lectio V.

ELISABETH Andreæ Regis Hungariæ filia, ab infantia Deum timére cœpit, & crescens ætate, crevit etiam deuotione. Hæc postea Ludovico Langrávio Turingiæ in coniugem copulata, etsi ea quæ sui viri erant curaret, non minus quæ Dei sunt, sedula exequabatur. Nocturno namq; tempore, à latere viri surgens, orationibus & genu flexionibus occupabatur, sicq; dum esset vir in accubitu suo, nardus eius dabat sanctitatis odorem. Et licet exteriùs indueretur regalibus, ne terréni viri oculos offéndere videretur, interiùs tamen sub cilicij régmine cælestem sponsum ge-

rebat absconditum. Diebus singulis pietatis officio dedita, viduis, pupillis, ægróis, cárcerum inclúsis ergástulis, & egentibus singulis singulária subuentionis remédia subministrabat. Cuiusdam etiam páuperis, gravi cápitis languóre corrépti, quasi filij curam gerens, capillos eius manu tondébat própria, caput fréquenter in pomárii secréto lavans, ut óculos fúgeret ancillarum. Cùm Teutóniam gravis urgéret inédia, captata viri abséntia domus suæ fruménta egentibus erogavit. *R.* Propter veritatem.

Lectio VI.

Postquam autem à lege viri solúta est, depólitis glóriæ sæcularis exuvijs, ordinem Pœnitentiæ Beati Francisci ingressa, vilis túnica decóre veltitur; ac divitiarum contempta iactántia, & generositate paréntû, nobilissimis orta natalibus, se mundo fecit ignobilem, ut nobilitaretur in cælis: pro coróna suscipiens cinerem & cilicium pro fascia peccatoráli Pallébant ora ieiúnijs, abstinentiæ tenuitate confecta: & iam mártirem adhuc vivéntem caro præmórtua testabatur. Dum autem die quadam defixis in cælum oculis contemplationi vacaret, ut quasi de humanæ conversatiónis confortio videretur abstrácta; Dei Filium dulcem Iesum ad se inclinatum cælis paténtibus vidit, inter alia tibi consolatiónis leniménta dicéntem: Si tu vis esse mecum, ego ero tecum, & à te nullatenus separábor. *R.* Dilexisti iustitiam.

Lectio VII.

TVnc sumpribus próprij; nobile hospitale construxit ampla possessione dotatum; suaq; pretiósamonia, & grádem pecuniæ quantitatem eidem loco liberaliter est largita. Inquo recéptam multitudinem corporáli visificabat obsequio, affluenter eis necessaria subministrans, pedes eórum & capita incredibili huma-

humanitate lavando, & leproſorum ulcera etiam aspectu horribilia capitis ſui velo mundando. Deinde propinquorum deſtituta ſuffragio, caſtris & poſſeſſionibus cæteris ſpoliatur. Sed ipſa miſerationis ſolita non oblita, lanam manibus operabatur & linum, de ſui labôris impendio nudos pauperum humeros veſtitura. R. Fallax gratia

Lectio VIII.

Cumque in his ac plurimis alijs ſanctis operibus utq; ad finem vite perſeveraſſet, domelticis ſuis prædicens obitum ſuum, Deo ſpiritum reddidit anno Dômini milleſimo ducentéſimo trigéſimo primo, tertio décimo Kalendas Decémbris. Sacrum autem corpus ipſius, poſt ſanctæ animæ ſeparationem, ſtatim cœpit plurimis & maximis coruſcare miraculis. Quibus auditis & certa fide compertis Dôminus Papa Gregorius Novus eam Sanctôrum collégio annumeravit. Quam pulchra es.

In tertio Nocturno Homilia in Evangelium. Simile eſt regnum cælorum theſauro abſcondito. de Communi non Virginum.

xii. Lectio de S. Pontiano Papa & Martyre, & in Laudibus commemoratio.

Dominica proxima poſt xiiij. Novembris. B. STANISLAI KOSTKA Soc. IESV. Confelloris. Duplex.

Omnia de Communi Confeſſ. non Pontificis, donec aliter ab Vrbe ſtatutum fuerit. Miſſa. Os iuſti. Epiſt. Iuſtus ſi morte. Evang. Sint lumbi. Dicitur. Credo.

DIE X. DECEMBRIS.

In Feſto S. Barbaræ Virginis & Martyris. Duplex.

Omnia de Communi Virginum. Oratio. Deus qui inter cætera, &c.

Lectioes primi Nocturni de ſcriptura occurrente.

In ſecundo Nocturno.

Lectio V.

Barbara virgo Nicomediénsis, ob inſignem corporis elegantiam, Dioſcoro Patre nobiliſſimo viro in turrim inclufa, ab omnium oculis arcetur; ubi multa ſecum piè religioſeque meditata, tanto Chriſtiænæ religionis amore, & ſervandæ caſtitaſis, exarſit; ut non modo nuptias à Patre oblatas reſpuerit, verum etiam ſe Chriſtū colere profeſſa, neſarium idolôrum cultum magna libertate perſtrinxit.

R. Propter veritatem.

Lectio VI.

Dioſcorus ita filiaſ verbis excanduit, ut eam Præſidi Marchiano, quod à propoſitô non deſiſteret, excruciantâ tradiderit. Is illam primùm blanditijs, præmijs propoſitis, & honoribus, ad paternæ ſuperſtitiônis cultum eſt conatus adducere. R. Dilexiſti.

Lectio VII.

Cum verò à fidei constantia, nullis verbôrum deduci poſſet illæcebris; omnis tormentôrum acerbitas in eam convertitur: nerviſenim búbulis graviffimè cæſa, in obſcuriſſimum carcerem detrúditur, ubi etſi omni humana ope deſtituta, divinitus tamen curata fuit. R. Afferéntur,

Lectio VIII.

Quod ubi ſenſerunt Chriſtiænæ fideli hoſtes, eo furôris atq; deméntiæ progréſſi ſunt, ut in eam, & carceris maceratiône, & lâmpadum aduſtiône, & mamillârum præciſiône ſuam omnem crudelitatem deprômplerint. Neq; tamen hiſconténtus Dioſcorus, paternæ charitatis proſus oblitus, filia� ſua manu caput amputare non dubitavit. Cuius anima in cælum ad duplicem Virginitatis & martyrij palmam evolavit. R. Prudentes Virgines.

In tertio Nocturno.

Lectio IX.

*Lectio Sancti Evangelij secundum Mat-
thaeum. Cap. 25.*

In illo tempore: Dixit Iesus discipu-
lis suis parabolam hanc: Simile est
regnum celorum decem Virginibus, quae
accipientes lampades suas exierunt ob-
viam sponso & sponsae. Et reliqua.

Homilia sancti Ioannis Chrysostomi.

Hom. 17. in Matt. circa medium.

Post ingentes labores, post incredibi-
les sudores, & acerrimas pugnas,
post trophaea quae de naturae rabie statu-
erunt resurgunt cum dedecore, & lam-
padiibus earum extinctis, terram aspici-
entes recedunt. Nihil sane tenebrosius
est, quam virginitas oleo carens; unde
sic vulgo multi, immisericordes tenebro-
sos solent appellare. *R.* Haec est Virgo
sapient.

Lectio X.

Quid igitur ex virginitate lucrata
sunt, quae nec Sponsum quidem
viderunt, nec saltem ad pulsandum usque
pervenierunt, sed terribile illud verbum
audire: Abite, nescio vos. Quod
cum ipse dixerit, nihil aliud quam ge-
henna, & intolerabilis cruciatus relin-

quitur: imò verò etiam gehenna istud
verbum gravius est; hoc verbum ope-
rantibus etiam iniquitatem dixit.
R. Media nocte.

Lectio XI.

Vigilate, quia nescitis diem neque ho-
ram, Crebro id repetit, ut igno-
rantiam diei exitus ab hac vita utilem
esse ostendat. Vbi sunt ergo, qui per to-
tam vitam desidia torpescunt, & quan-
do à nobis admonentur respondere non
dubitant, omnia se pauperibus morien-
di tempore relicturos: Audiant haec ver-
ba, & emendent se, multi enim abundi
tempus expectantes, ita repente rapti
sunt, ut nec iniungere suis quidquam
potuerint. *R.* Induit me Dominus.

Lectio XII.

Sed haec quidem parabola, eius ele-
mosinae gratia, quae cum pecunia con-
fiscitur, dicta est. Cur autem haec para-
bola sponsum adducit? ut videas, quan-
tum virginibus afficitur Christus ihs, quae
sua pauperibus erogant: haec enim &
vera virginitas est: Nam & Paulus huic
rei hanc descriptionem attribuit dicens,
innupta sollicita est de ihs, quae Domi-
ni sunt, ut sit sancta corpore & spiritu.
R. Simile est regnum.





A P P R O B A T I O.

OFFICIA Patronorum Regni Poloniae, olim laboriosè collecta,
& nunc usui Fratrum Patrum sub Regula Sancti BENEDICTI
religiosè viventium accommodata, ut Imprimantur permittit:

M. ANDREAS KUCHARSKI, S. Th. Dôct: & Professor, Canonicus
Cracoviensis eiusdemque Diocesis Librorum Censor. mppr.







13/89

DW 16/15/XII

600.—

400.—


V/811/2

16.11.16

440.—

240.—





stdr0022916

Biblioteka Jagiellońska

